



張亨甫全集卷十八

卷十八

遊海幢寺

不見漁洋久。蕭然此寺過。將軍誰好事。楚客自悲歌。風色高珠渚。禪心定貝多。未應苦惆悵。返棹聞煙波。

登粵秀山同胡伯仁

昭惠丈

蒼然寒色滿珠江。城郭千家展畫窗。地盡百蠻通入桂。天盤五嶺出三瀧。徒聞漢使臣秦令。重見唐年霸越邦。惆悵登臨形勝在。衛公翻長六王降。

張亨甫全集

卷十八

遠控滇池近豫章。楚閩東北鬱蒼蒼。難成宋季偏安局。空倚盧循竊據場。骨肉操戈忘幕燕。君臣計口似藩羊。永歷入緬甸。緬人供食具其冊云。計開皇帝一口以下皆以口計。亦可悲閔矣。流花橋水鈴山寺。目斷悲風剩夕陽。

萬里西洋絕海濱。移家濠鏡近爲鄰。單雙更遣來鷹國。中外應同別蜃人。都老尙雄銅鼓舊。番商爭眩寶珠新。高城曠望憐前代。曾見倭夷出沒頻。

白雲雲氣照扶胥。黃木灣頭落木初。瘴癘幾人同作客。山川是處渺愁予。呼鸞故道歌姬盡。拾翠空洲候吏虛。倚徧層樓闌檻暮。蒼茫今古欲何如。



○奉盧厚山宮保

百年中外承平久。此日真思濟世才。明允幸瞻韓大尉。  
文忠每憶石徂徠。富鄭公天聖八年中制科石介亦是年進士二公故相得也公與吾師陳恭甫先生同年好友共知愛士溫如日。曾見行邊動若雷。  
昨進謁尤諄諄垂詢我亦談兵長劍在。秋風吹上尉佗臺。

萬里邊關昔戒嚴。酒泉旌旆出城尖。先零威望欽充國。  
西夏儲胥賴仲淹。

聖主酬庸延世賞。重臣轉餉肅兵鈴。當時敢擬平淮雅。  
將相功高北斗瞻。戊子夏曾賦重定回疆紀功詩

嶺南節度古來雄。絕島蠻夷拜下風。三至五年迎父老。  
張亨甫全集

卷六

一時八寨靖兵戎。公甫調補兩廣而連州罷兵軍前號令明鵝鵠海。  
上流亡息雁鴻。今夏廣州大水公撫循愷惻民忘其災猶閱江淮秋漲盛。

大臣憂

國本公忠。昨晉謁公備言吳楚水災慨然太息

落拓當年有退之。上書光範竟何爲。卽今失路慙科目。  
自古傳人豈賦詞。憂樂久懷天下共。飛騰誰惜日邊遲。  
上公眼見如裴度。汲引情原異值私。

伯仁丈惠精華錄道援堂稟率書二絕奉東

丈人何似魏和公。三載羈栖百粵東。我比漁洋更惆悵。  
秋來不見木棉紅。



鳴咽穿雲裂石聲。楚騷幽憤故難平。九州聽偏哀笳曲。  
一劒歸來白髮生。

雲麓第二圖爲鄭觀察題

觀察家於漳州白雲山

屬家茶農大令作圖今宦粵東城外亦有白雲山值大令亦宦粵乃爲作第二圖亦屬余爲詩

處爲霖雨心。出抱煙霞意。高懷固灑然。巖壑話夙契。羊  
城似龍溪。白雲映空翠。放衙對挂笏。故山宛秋霽。東坡  
三西湖。到處餘遐思。太白兩匡山。至今鬱奇氣。千年一  
俯仰。斯人有斯地。相期崇令德。餘事及文字。功名信運  
會。寬大卽慈惠。謝公政可爭。召伯提應繼。洛陽敬司馬。  
小園亦堪記。成都依鄭公。幽棲復安寄。移文已自慙。遠  
張亨甫全集

卷十八

三

志更誰議。詩成却登臺。朝爽邈無際。

時余方居觀察署署中有臺曰熙春

可望白雲山

許青士

乃濟

觀察螺杯

杯容酒今量一升有餘觀察言客盡一螺者蓋少惟

此間鮑君嘗盡二螺故自署二螺居士余聞之亦戲飲二螺觀察屬爲銘乃綴以絕句

愛客能容阮步兵。此中賢聖不須名。憑將一勺觀滄海。  
醉夢魚龍亦有情。

羚羊峽

鬱黔匯桂水。浩洵奔端州。高峽一鈴束。勢欲回江流。千  
峯削積鐵。石骨蟠蚬螺。下貫地維裂。中包陽景收。其上  
錯崢嶸。奇鬼森昂頭。陰風不外吹。摩盪青嶺幽。崩波益



湍急魚鼈不敢投。如何索硯材。入水無時休。已聞下巖  
塞。更鑿西洞求。嗟汝七尺軀。慎勿撻潛虬。崖傾壓古堞。  
沙列開平洲。年荒盜賊多。出險羣維舟。

### 羚羊寺

沂流入羚羊。暝登荒峽麓。亂石結榕根。欹危不容足。叩  
門鐙慘澹。佛龕塵網屬。寺僧痛傾圯。世尊厭土木。飛泉  
久徙流。無處問梅竹。鬱江自西來。蒼山勢橫束。聞風不  
見濤。夜氣浩崖谷。扁舟在微雨。下視一火綠。寂坐逼虛  
空。森然萬象肅。唐年碑已湮。咨嗟人代速。

### 登披雲樓

張亨甫全集

卷十八

四

邊郡寒朝日。飛樓拓綺窗。七星橫北郭。三峽帶西江。城  
古苔皆滑。風高樹自撞。龍翔千載地。回首悵奔瀧。

### 初七日游七星巖畱宿石洞得詩八首

端州之北郭。七巖如秋星。借問嵩臺石。何年洞不扃。高  
張萬仞幕。巧象百怪形。陰風貫鼉梁。白日窅沈冥。天光  
忽倒墜。石乳紛晶熒。偉哉造化力。尺寸皆幽靈。崖傾壁  
斬絕。妥帖懸飛亭。湖光遠映山。氣色爲吾青。嫋嫋芳樹  
下。煙蘿亦已零。想見古時人。滅迹棲雲屏。

寶陀何巉巖。巖迤石室東。憑高覓自立。上出摩層穹。水  
月侈莊嚴。鑄佛皆青銅。借問創者誰。討賊矜神功。如何



邊餉急。不與資兵戎。矯首望玉虛。嶄峭路絕蹤。可憐三天門。一綫痕縈空。斜攀貫鐵索。俯瞰凌花宮。亂石寸土盡。勢列槎枒雄。我行穿其罅。瞥若葉上蟲。絕頂貼木末。白日行天風。大鳥奮力飛。欲近墮龍嵒。坐駭碧落界。獨有清鐘通。慘然意慘栗。却返崎危中。目瞬足已縮。接臂號奚童。脫險自嘆嗟。孰暇悲何熊。

水月觀明季熊文燦建何吾騶作記

玉屏張如屏。復在寶陀東。蛇盤徑詰曲。木石交龍嵒。呀然懸峽仄。磴道攀援窮。仰視蓋巨石。側走穿樛櫨。絕頂一俯瞰。氣勢何蒼雄。山川曠百里。掩映當琳宮。嵯峨大小湘。牂牁流悲風。羚羊鬱返照。暝色來高空。巖迴地轉靜。背出崖穹窿。萬樹貝多羅。裂罅蟠幽叢。花開一鳥啄。下聞鳴寒蟲。面壁且寂坐。蕭然眾響通。誰能此卜居。拾橡呼狙公。

張亨甫全集

卷十八

五

蒼然天柱色。近擁石室西。千仞勢斬絕。矗若排雲霓。上下多灌木。中聞怪鳥啼。欹危越疊磴。辟窾通幽棲。榕葉與窗平。菊花交盆低。地有太古春。意與壽者齊。石竇隘如螺。旋轉不可梯。仙人搗藥散。孰與論刀圭。閒從老衲話。遠見夕景淒。林外氣濛濛。坐恐去徑迷。沿湖踏水影。聽泉尋風倪。臨壑

石室前亭名

瞑自息緩步忘攀躋

翻翻如海浪。蕩蕩如江煙。歷歷如月地。蕭蕭如風天。夜



坐石室中。萬象在我前。石氣映火白。盡見鐘乳懸。魁臺上洞豁。對射星光穿。淒清響木葉。或墜牟尼肩。啾啾作鬼語。蝙蝠皆千年。陰寒出四壁。上下聞流泉。仰睇勢恐墮。幽尋境屢遷。山後卽孤亭。暝色橫蒼然。重巖黑影簇。浮動積水邊。哀蛩亂穴罅。眾竅相爲宣。遐思北海後。歲月多鑱鑕。秉燭復幾人。惜此良宵緣。靜理了可悟。眺聽適所便。解事巖中僧。瀹茗亦未眠。

我昨攬玉屏。乃復失含珠。清晨更獨往。力憊緣崎嶇。巖扉曉尙閉。却繞崖旁趨。閣開一穴開。石髓如瓜瓠。盤空勢自墜。偃蓋形誰劒。其左更俯豁。側入駭輿紆。穹窿浮張亨甫全集

卷十八

六

棟動厓屢覆。釜扶仰望壁。阻絕龍宮何年書。恐是蛟螭宅。鱗爪各奮拏。凜凜未敢憩。湖堤訊老漁。云此游人稀。石角古所呼。

石角盡東峯。仙掌盡西巖。繞徑背寶陀。湖光曉猶黯。天柱與石室。磊落隔水嵌。葉綠壁罅妍。蘚翠崖陰咸。波潏碧欲活。積氣浮凹廕。陂陀厯百轉。削峙何巉巖。下坳何硤硤。上垂何蕭蕭。戟拔石骨峭。磴絡林根代。倒影映湍流。落葉飄如芝。盤旋蟻轉磨。控引馬就銜。紆迴蛇赴壑。一竇知誰鑿。摸摸正黝黑。曲折相屬盤。側身那可伏。俯首不得酌。其中扉又閉。犬斷寒聲猶。猿引却復出。鳥睇



重周顒。嶽岑見絕頂。法界高。清嚴如何朝。靄隔目斷生。  
微雪。靈蹤杳莫追。吾真委塵凡。

蟾蜍石室後。慘澹未可游。但見黑嵯峨。龍媼宅老湫。人  
間靈恠迹。厥理誰能求。且憩聚星亭。坐眺平湖鷗。天帝  
觴百神。下駟皆螭蚪。石牀遺蛻在。至今蟠螭繆。嗟我不  
得見。命駕宜歸休。頗愛茲山奇。峭削復奧幽。石能離地  
立。水解環巖周。千年樹不死。四時泉常秋。登覽豈謂煩。  
林壑庶自謀。題詩告山靈。投老乞此州。

歸途登寶月臺

七點星巖色。蒼然水檻間。高臺見雲鳥。天際亦飛還。客

張亨甫全集

卷十八

七

夢流泉過。僧心落葉閒。相逢話餘興。何處不空山。

登闕江樓作歌

少年意氣高青雲。眼中何有平原君。千金一擲作歌舞。  
酒酣却誦陰符文。大江西來走東海。夜上金焦問真宰。  
滄波無恙月滿天。何事六朝人代改。飄然散髮弄扁舟。  
狂嘯或在太白樓。可憐醉夢付秋浦。滿目蒼山是粵州。  
前太白。後東坡。文章憎命將奈何。夜郎幸免投魑魅。僮  
耳終看垂老過。我行失路母悲歌。此樓此日當平世。歲  
晚天寒無瘴癘。試望蒼梧弔有虞。牂牁落日來天際。誰  
攀北斗杓。墮落爲游戲。欲問爛柯人。已隨流水逝茫茫。



高浪古與今。永憶楚騷迴首青楓林。野猿自叫百蠻夕。

沙鳥安知萬里心。我欲去。母霑襟。君不見昨日苦短今

日長。昨十二至日也短長閱盡千滄桑。君不見宋徽宗白頭五

國哀冰霜。何如老死端溪旁。後來亦有永明王。竄逐入

桂俘窮荒。已知富貴等禍水。更須十洲以外觀瀛滄。誰

能低眉折腰向人氣不揚。一身作客徒旁皇。淚盡平生

歡樂場。乃悲三峽驚濤有如此。何必醺酒天塹始痛千

載英雄亡。烏庠醺酒天塹久痛千載英雄亡。

○大福亭詩為糜次泉。良澤太守題。筆慶通判署故有陳希夷大書。

福字碑刻今署廢太守乃核碑府署作亭曰大福屬賦此詩

張亨甫全集

卷十八

八

卿家舊有

賜書存。尊公由方伯卒官太僕寺卿造福蒼生卽報

恩他日應

頌雲漢藻。故事除夕賜中外大臣此時先掃石苔痕。邊

城文字參唐碣。瑞州金石頗多池館春暉藹壽萱。太夫人方就養

我欲西行尋太華。更論河雒訪樅門。

出峽

重過靈羊峽。徒悲倦鳥心。高帆銜日小。亂石夾天陰。山

水仍朝暮。風雲自古今。還爲斧柯詠。斧柯山與瑞琴對峙愁絕憶

瑞琴。



十九日游頂湖山得詩四首

谿迴萬石深。蕭蕭蔭喬木。幽亭隱谷口。下見澄潭曲。夕陽古不到。千年閤寒綠。獨坐聽山風。棲禽語相續。牛山亭

入山不見山。絕壑奔流響。萬木氣成雲。葉落無人往。鐘聲墜上方。天光見一掌。坐憇石華秋。高深寄俯仰。補山亭

蒼蒼轉陰崖。寂寂閤嘉樹。客行入梅花。白雲共來去。山風弄幽泉。落日不知處。但聞經聲希。蕭寥巖壑暮。慶雲寺

沿澗尋靈源。孤亭企飛雪。蒼茫萬古氣。一洗空山骨。寒碧匯潭光。餘清滿林樾。石壁多悲風。夕陽浩明滅。飛水巖

佛山鎮

張亨甫全集

卷十八

九

五都金粉麗。十里玉河寬。畫舫迷青雀。歌樓盡彩鸞。月能通夜惜。花慣入冬看。不信銀簫外。居人有暮寒。

花地

素馨無力泣秋風。賸粉零香怨草紅。多少玉顏亡國恨。笛聲吹盡夕陽中。

奉黃愛廬

樂之考功

余去年閏九月出都。考工寫著色山水題詩贈別。當時欲以詩酬而未及。作今年六月行上蔡西平間車。翻入水平生珍惜。書畫盡污損。考功所贈與焉。既甚懊惜。比來廣州遇考功。以內艱



高高水深深。著書朝復暮。看雲古與今。不殊樂向圖中尋。不知身世憂患侵。天涯故人或入夢。嘯鳥落花春滿林。

廣州江行至石龍漫作絕句

才放端溪溪口舟。片帆東去訪羅浮。平生意氣豪無用。到處江山漫獨游。

新城鏗慘對河南。兩岸惟餘楊柳瑣。除却海關識歌舞。萬家流涕向江潭。

夜趁潮行十里餘。卧聞人語在空虛。浪游慣覺風波樂。惠子安知不是魚。

張亨甫全集

卷十八

士

薊門九月葉紛飛。嶺外冬殘紅四圍。客久竟忘南土好。歲寒今愛萬山歸。

葉葉蕭蕭瑟瑟聲。芭蕉落日夾湖明。花如紅玉無人見。雨打風翻亦有情。

黃木灣頭木半黃。青山低壓古紅牆。拖泥帶水緣何事。要看魚龍戲大荒。

潮落水涸易小舟推挽於潮泥上始達浴日亭

碧山平遠只如煙。一抹林光共映船。貪看好詩忘日暮。野鴉嘯落寺門前。

時吳石華廣文屬選黎二樵先生詩乃於舟中評閱之

石龍晚照泊孤篷。已見青蒼四百峯。畫舫銀箏奏哀曲。不知上界有清鐘。



浴日亭

繁

青山到滄海。高下皆煙痕。極天積水霧。浩浩暗虎門。東  
南地勢盡。平見扶桑根。夜來魚龍背。三匝金烏翻。道人  
自高卧。紅光滿江邨。客游但嘆息。西顧斜景奔。驚波盪  
返照。奇氣若可吞。悵然萬古土。擾攘同朝昏。誰能九州  
外。更討百谷源。飄風滿樓櫓。遠近夷船繫。蒼銅與黑鐵。  
夷船皆以銅包其底兩旁列鐵礮數門皆重千餘觔驕奪天吳魂。側聞濠鏡澳。盤  
踞如塞垣。毒土換黃金。千萬去中原。夷人以鴉片土易中國銀歲至二千  
萬歲稅復幾何容。此醜類。尊海關歲征稅不過百六十  
關者轉多方庇護之謂非如是則恐夷人尤桀黠督海  
不來不知中國何需於彼而必欲其來邪狡狠鬼國恣。

張亨甫全集

卷十八

十二

內地僑夷人曰鬼子陷溺生民冤。海若何不靈。惡浪失簸掀。鯨鯢  
有齒牙。不嚙羣鬼跟。嶺蠻昔反背。請看銅鼓存。海神廟有銅鼓  
言系漢馬伏波征蠻所遺如何任煽誘。不思固籬藩。蚩蚩岸居氓。慎  
汝長子孫。嗟予好長劍。利截蛟鼉鼉。畱之無所用。欲擲  
洪濤渾。馳暉去不返。身世空憂煩。摩挲韓蘇碑。難起逝  
者論。

由九滌潭入冲虛觀

清光三十里。蕩漾山光中。泊舟九滌潭。遙見玉女峯。青  
天落飛瀑。千丈奔黃龍。心知華首臺。幽絕雲壑重。却思  
訪丹竈。浩然懷葛洪。世遠闕靈迹。地寂棲寒容。當門阻



疊嶂盡敝吾來蹤。西崖墮落日。東影明長松。夕陰石巉巖。澗谷如無窮。夜宿萬籟生。蟲鳥叫雨風。翻如水郭夢。曠莽流虛空。羽化不可期。旦暮塵勞同。

冒雨至朱明洞欲尋青霞谷不得

朱明通句曲。神奧古洞天。不逢句漏令。掩翳空千年。山寒響朝雨。澗隱鏘流泉。鬱鬱松蘿青。石氣成虛煙。側聞青霞谷。講學棲昔賢。濕雲暗樵路。疊嶂窮攀緣。名存迹已晦。陵谷固自然。緬彼太上士。無營契真元。

至白鶴觀尋五龍潭

朝出會仙橋。復經麻姑峯。陂陀亂石黑。水聲何浩洶。道張亨甫全集

卷十八

七

人如老鶴笑。指谿谷東。瀑流迸百折。煙雪迴長空。何年神物宅。奮怒巖壑攻。力盡骨不朽。僵卧湍濤中。絕壁夾陰寒。木石皆迎風。上窺水簾洞。雨暗不可窮。元氣晝蒼茫。飛洗太古蹤。慘澹危梁間。悵望雲潭淙。

由延祥寺上寶積寺試卓錫泉

山寺稍平曠。煙雨爭紛飄。待霽過午鐘。越險尋初寮。萬松氣蓋天。千丈藤垂條。倒曳石根怒。併裂風濤驕。冥漠互絕磴。仰睇陰蕭蕭。高騰飛鳥上。下見百里遙。洩雲條吞吐。俄頃迷山椒。巨壁扼奔流。雲海相動搖。泉源大小殊。所酌迺一瓢。感此慨勞形。慮遠近自撓。何如閉關卧。



僧老忘昏朝。洗藥池可濯。伏虎巖可樵。

入黃龍洞

昨從泊頭鎮。遠愛黃龍瀑。却行抱珠橋。飛動駭心目。延緣厯危磴。滑笑側疲足。亂峯雨蓬蓬。上下暗崖谷。黑驅海立影。蒼破地裂腹。轟騰雷霆鬪。噴薄虹霓觸。鐵壁鎖玉龍。怒吼忽自縮。四望不見水。浩白雲往復。嶺盡勢到天。溪迴峽如屋。乃驚千丈源。平踏盡俯伏。下窺森無底。陡落去何速。激石煙倒翻。空濛已山麓。但聞悲風聲。萬馬不可束。石梁跨幽步。洞門擁喬木。大松凍不死。沈冥隘空綠。嵯峨老人髯。嬋娟玉女感。林梢通一顧。水珮響張亨甫全集

卷十八

十四

鳴玉虛廊坐超忽。列植益環複。時時氣高浮。碧青寒意蓄。天華悵榛莽。南漢建天華宮人代閱樵牧。雞蟲泉內叫。夜卧夢正熟。覺來思流杯。流杯池在瀑布上流金砂變醞醕。黃龍南漢所名古卽

金砂洞也

出黃龍洞入華首寺

夢回正風雨。曉起煙滿山。笑別千年松。酒罷出洞門。仙書未漫滅。水石爭飛翻。半嶺一畱眺。瀑布懸三源。乃知昨來時。蔽塞萬丈雲。雲中坐卧處。回首空無痕。遲徊度石梁。沿緣乃谿巒。深樹暗如海。浮綠氣高寒。飛泉咽陰翠。積葉霾蒼丹。冥冥嘯鳥轉。漠漠空晝昏。淒音滿崖谷。



寂聽若有端。茲爲靈構區。意得可忘言。緬懷五百佛。何當去人羣。絕迹託幽棲。林壑謝往還。

是夜宿寺中口號

萬松立雲氣。一半影蕭然。嘑鳥不知暮。千崖和落泉。丹黃風外葉。蒼翠石中天。鐘動高寒峭。看山獨未眠。

曉入合掌巖至洗衲石觀瀑

北風何淒淒。淒淒生桂枝。孤芳結冷夢。起行如有思。空山曉無人。落葉紛幽蹊。悄睇萬縱高。寂動一鳥嘑。深迴亂泉響。奧阻層崖碕。拳蘿轉窈窕。涉露緣欹危。穹巖牛犢劃。中豁上蔽虧。千年削鐵骨。誰能訛合離。忽聞絕磴瀑。裂壁高翻飛。空清不留影。浩浩天風吹。雲雪未可方。上有飛雲。灑雪石刻。何當洗衲衣。湛然碧潭水。想見太古時。人間狗物役。世外存天倪。靈樞蔑構架。化跡忘攀躋。耿此獨往心。緬彼逝日悲。安知後游者。不使來徑迷。林光泔泔伏。石勢盤盤維。灑落百尋源。去爲何處谿。下流但飲水。未覺甘液稀。始信造化功。澹絕愚知機。

晚霽登華首後山眺望

仙山三日雨。雲氣浩滿空。天風一吹散。始見青芙蓉。上界足羣真。遊戲四百峯。鐵橋復誰卽。夜樂忽自逢。高崖咽流泉。絕壑酣笙鐘。哀禽互叫嘯。樅桂幽成叢。采藥憩



危石悵望無來蹤。水煙動夕光。明滅川原重。招彼五色蝶。喚此千潭龍。謝汝塵世士。吾將棲閬風。

梅花邨

麻姑峯外酒人家。銷盡冰魂一樹花。翠羽不來春寂寂。當門殘月曉風斜。

出雨花橋過花手寺至泊頭作

蒼山千瀑布。一片落煙雲。昨夜更風雨。空濛曉不分。石梁寒窈窕。木葉古紛紛。却倚七星下。蕭然萬籟聞。

蒼翠入天深。巖崖不可尋。獨行過諸澗。回望見千岑。瑤室迷雲洞。丹砂隱石林。三峯卽靈界。誰度鐵橋陰。

張亨甫全集

卷十八

十六

聞道稚川宅。徒畱黃野人。天清樵拜虎。月黑鬼驅麟。藻石精俱竭。柑園貢不陳。仙鄉畏兵劫。嘉慶七年博羅賊嘗焚掠諸寺觀至今遂何止海揚塵。

山如聽詩叟

雁宕東谷口有石峯名聽詩叟常在雲外若招客狀此山老人峯亦然

直送

我登舟。花手看雲海。峯肩倚石樓。天盤風雨氣。泉挂古今秋。坡老維舟後。無人記泊頭。

野泊

十二月  
初二夜

風雨天沈海。魚龍氣出雲。蒼茫寒欲動。空濶夜多聞。一歲他鄉暮。孤舟遠夢紛。不堪聽遙柝。野火照荒濱。

雲麓觀察仍次小湖學使詩韻贈別復次韻奉酬



何年使節向南州。小吏占星語傳郵。此去路先三峽永。  
傷離腸已九迴周。杜陵或有詩能富。魯國曾無政不謀。  
已喜賢勞民戴澤。白雲漫憶故山游。

饑溺徒懷禹。稷思蒼茫天地託微辭。百家幾見中人產。

一役皆需內帑貲。廣州屬邑水淹諸堤皆借官帑修築南海白波官舫路。

觀察方親履勘諸堤工北風黃葉酒船后。他宵兩地同霜月。身世

多愁各似絲。

○原詩

詩名一日徧炎州。萬口爭傳速置郵。入粵昔惟誇陸  
賈。吾閩今復見行周。憑誰爲作草堂計。顧我方慙肉

張亨甫全集

卷十八

十七

食謀。惆悵珠江江上水。相期他日更來游。

送君吾亦動歸思。無補於民罪豈辭。發粟共蒙

天子惠。助金還借富人貲。今年廣肇二郡水災請碾借倉穀兼勸義賑奏關

心水利籌長策。時方履勘圍基及沙坦經手軍需塞漏卮。敢謂

南荒卑濕地。亡何日飲似袁絲。

○次前韻酬別程少山晉三丈

俗客徒聞四大州。尻輪神馬寄虛郵。月中何處尋无忌。

天外猶思補不周。君自久涵湖海氣。饑來誰爲鳳凰謀。

相憐五色文章在。須與翺翔八極游。

相見毋嗟別莫思。荒唐合誦楚騷辭。一雙寶劍干雲氣。



十萬明珠擲米貲。星漢回槎仍問卜。春江變酒不盈卮。  
道人自愛羅浮蝶。甕繭如蠶肯作絲。

。原詩

高風一榻下南州。聽誦新題徧客郵。眼底文章無魏

晉。日邊聲響動伊周。

先生久客京都。最爲黃左田大司農潘芝軒相國所賞識。此

才不遇人爭惜。有志終成事在謀。度嶺莫嫌行路遠。

韓蘇遺跡待清游。

聞名早蓄美人思。

曾於鄭雲麓觀察處讀先生詩。因知才名。

握手先吟幼

婦辭。世有通儒千古快。天生健筆百年貲。雄談時訝

奇驚坐。豪飲頻看笑舉卮。我識李鷹偏恨晚。及今準

張亨甫全集

卷十八

十八

擬繡成絲。

珠江話別圖爲顧工部題

椿

粵浦流珠海。燕雲望玉京。江寒萬楊柳。一夜作離聲。天

遠月如夢。酒闌人欲行。蕭蕭去帆影。多少送歸情。

八桂通三峽。

工部將先歸粵西道西江三峽也。

孤舟沂萬灘。夜來薊門

雪。猶憶海南寒。

工部眷屬在都下。

豈謂交游薄。多應骨肉權。相

逢尉陀國。漫側漢臣冠。

萬古羅浮瀑。千巖風雨殊。我行憶玉局。曾未訪豐湖。

頂歸

自羅浮欲游惠州西湖不果。

昨者對煙水。君先入畫圖。

工部主講豐湖書院二年。

金門儻回首。總隔海雲孤。



青士觀察次小湖侍御韻枉題近詩仍次韻奉酬  
人間何處問荊州。白也年來困旅郵。醉後已看滄海小。  
夢中欲覽大荒周。千秋閱世真如寄。萬事由天豈信謀。  
獨媿名卿古風誼。肯憐微抱惜羈游。

十年能繫粵人思。此去朝

天定有辭。

時方內召

互市不嚴邊海令。度支終絀大農貲。

近日

夷船專以鴉片土易內地銀錢至一千數百萬以憑誰故東南生計日絀若不變法杜絕將來益可憂矣

更請朱雲劍。遣我真宜叔夜卮。惆悵南枝如雪外。後先  
江月照鞭絲。

風雪入關圖爲吳石華

蘭修

教諭題

君言由大同入居庸

張亨甫全集

卷十八

十九

太行萬峯莽向北。雲中列塞慘無極。驚風驅雪雁不飛。  
匹馬西來走邊色。居庸遠接長城昏。金元故壘徒紛紛。  
及關回首望代朔。武靈骨朽無荒墳。此皆英雄百戰地。  
戍樓捲蓬煙倒翳。北平不見飛將才。廣武悲來阮籍涕。  
層崖岷嶺錯九陘。草木凍割太古青。勢馳浩洶石陡裂。  
寒出黯澹雲先冥。輪摧蹄折過者幾。候騎無聲鼓角死。  
蒼黃大野晝飛沙。浩白長空氣懸水。燕臺酒徒慷慨歌。  
貴家羊羔嬌翠蛾。豈知書生一雄劍。仰天欲鏹山嵯峨。  
棄襦不滿豪奴笑。路入中原且孤嘯。迴看遼海塞層冰。  
誰拓幽州返斜照。當時磊砢英多人。乃使飄泊關山塵。



卽今嶺外坐愁嘆何止旱潦千家貧著書漫與消寂寞  
歲晚天寒風雨作我方獨過橫浦關相思如雪梅花落  
愛廬考功臨張伯美山水畫冊屬題

南宗旣盛北宗微禪畫皆從唐代歧每觀士人貴寫意  
頗似老衲持鋒機豈知初祖溯張顧但仰摩詰如曹溪  
往者石田實耆舊妙令能秀俱傳衣當其落筆入神逸  
大乘俱足羅漢儀嗟君蚤擅正法眼獨以此翁爲導師  
考功畫學沈石田長縑短幅恣粉墨豆人寸馬呈天倪尤工亂  
泉與翠壁水石在手雲能飛畫家骨蒼要韻遠氣勢色  
澤能事齊青蓮花現一彈指漫執枯寂求迦尼看君揮

張亨甫全集

卷十八

三

灑大自在頓悟應識非人爲臨摹遊戲無不可參方杖  
錫隨所之此圖十幅各異態或言伯美遜此奇離合高  
下總幻相煙嵐風雨含幽姿我自豐干媿饒舌佳山水  
處真思歸青天飛瀑雪滿地面壁蕭然何有詩

石華丈招游光孝寺次漁洋先生韻奉柬

嶺南尉陀國草木皆秦餘如何天竺樹蔭此訶林居虞  
翻昔竄逐漲海悲龍魚帛客付青蠅自恨節久疏及今  
貴游客頗喜多珊瑚蒼葭渺白露赤狐隨黑鳥豈無超  
世士沛公不喜儒與君不媚骨安能塵埃趨對酒忽起  
視浮雲天四隅菩提改故柯人事安足獻



奉別厚山宮保次杜公呈韋左丞丈韻

志士急四海。下士謀一身。四海亦已大。一身安足陳。亮  
少頗狷介。不爲諸侯賓。弔古徧東南。高歌動鬼神。北行  
滯幽薊。習與豪傑親。醉談天下事。疾痛若比鄰。雖懷治  
安策。未敢謁平津。嘗願稷契臣。復見唐虞淳。當世有勳  
業。賤子可沈淪。忽忽近十年。孤芳失好春。飢寒切骨肉。  
鞍馬勞風塵。皇天厲薄植。霜露非苦辛。心動性未忍。抑  
塞徒思伸。匪羨爛羊頭。欲奮涸魴鱗。側承名公意。以德  
愛我真。屢嘆材可用。復誇詩益新。豈有陳曲逆。牖鄉長  
張亨甫全集

卷十八

二十一

賤貧再三申勸誠。聞之走且踰。敝裘返故鄉。不恥如蘇  
秦。況辱推解惠。暫足息海濱。誓當奮詩書。報公爲良臣。  
波濤萬里濶。龍性固可馴。

十九日陳範川

鴻堀

侍讀招同人及弟子集粵華

書院爲東坡先生作生日余酒罷卽登舟作詩

却寄

大峨仙人文章伯。垂老竄謫南海頭。山川久待發嘲弄。  
讒謗豈必因怨仇。六榕之寺菖蒲澗。我行到處思公游。  
當時吹笛有赤壁。至今嘯月皆黃樓。百年都下競文譏。  
乾隆以來都門。壽公此地義亦優。疏簾梅花亞玉雪。共  
諸公多此舉。



憶酒醒當羅浮。何人富貴匪春夢。公視萬古直一漚。遠  
遷荒服況箕子。果見嶺外承風流。詩畫偶然豈公意。平  
生大節誰能求。試從僂耳眺瀛壑。魚龍自戲青天秋。水  
從何來注何地。混茫氣已包八幽。公之雄豪實類此。俯仰  
譚笑百不憂。興酣落筆吐滂沛。頃刻變滅不可收。西  
陂覃溪頗好事。心摹手追我則休。招尋有酒且痛飲。醉  
歸落日橫扁舟。公於生死了不繫。亦寄銅佛壽子由。兩  
公之壽歷千劫。彼寂滅者真蜉蝣。丈人或是方山隱。忽  
謝朝籍棲蠻陬。天寒歲暮話笠屐。薦茗采菊羅馨修。韓  
蘇門下有籍末。我請居一差肩儔。武溪北望詠灑吏。獨  
張亨甫全集

卷十八

三十一

弔昌黎重散愁

○揚帆

海珠寺前潮未來。無人相送獨低徊。誰家水閣正風雨。  
此別雲山宜酒杯。半世哀歌天下事。萬緣深見古人才。  
江頭去鳥冥冥遠。日夕揚帆雪浪催。

泊西南

此地三維棹。終宵獨扣舷。雙江原到海。孤月不當天。細  
火銜邨店。平沙動野煙。飄飄夜歸鶴。何處覓芝田。

吳氏二子歌卽題其漢學齋印譜

二子一章綸貞卿一道綸小華石華學博之子



也

豫章千尋無醜枝。鳳雛麟角世所稀。請看吾友之二子。  
何異抗有雲與機。仲也算學通周髀。今年廿一清而頤。  
叔也年少始十七。好古不怠英且奇。俱能游藝作篆刻。  
脫手妙合蒼韻姿。六書之學父卽師。豈愛野鶩嗔家雞。  
凡爲文章宜識字。願君大筆追昌黎。我與阿翁少慷慨。  
及今每見徒嗟咨。蘇門黃陳久不遇。潁川羣紀懽相隨。  
別來一棹三水湄。風日蕩蕩浮雲悲。歲云暮矣尙作客。  
悵望萬古來何期。阿翁善病我游倦。中歲懷抱思佳兒。  
看君兄弟露頭角。景升豚犬真可嗤。心長語短意不盡。

張亨甫全集

卷十八

三

小道可觀遠莫遺。更聞伯也工賦詩。大雅須辨風人微。  
他時三子勳名各有立。阿翁飲我不厭千觴遲。

石華與余俱出

恭甫  
師門

至清遠夜泊有作

朔風淒浮雲。四望多寒山。夕鳥各自歸。游子猶未還。上  
流孤城閉。蕭瑟煙靄間。歲晏萬物靜。我勞何時閒。北眺  
二禺高。蒼然闕靈關。緬懷采竹人。何當去塵寰。吹角眾  
星動。夜水浩潺湲。畫船擁明燭。倍愴顚顚顏。顏容豈足  
惜。歲月日以艱。已矣竟蹉跎。羈夢墮百蠻。

過峽山寺



江寒正煙雨。晝氣時晦冥。荒林無人蹤。蕭颯風水聲。上視何鬱鬱。兩山迴翠屏。一碧放奔流。慘澹歸重溟。懸崖曳百丈。矯捷猿猱輕。漠漠瘴雲來。天地爲之青。借問客何事。遲暮猶遠行。不如白足僧。老嬾無送迎。扁舟賣魚叟。飄泊同此情。落葉化爲薪。誰能計枯榮。

### 大廟峽

舟中望峽勢。巉巖怒向人。峽中勢益偏。上下皆嶙峋。雙崖驟對出。豁衍若齒唇。中流扼巨石。積水迴湔淪。牽舟轉石角。十夫行逡巡。山阿謁古祠。滿壁莓苔皴。漠漠白沙洲。脩脩青竹鄰。落日忽淒風。颯然雲旗陳。夫人奠高張。亨甫全集

### 卷十八

三

涼帝妃游海濱

謂涓涓天后神

顯晦迹亦殊。世事徒沾巾。

### 啼鳥

英州多篁竹。娟靜連江干。日落水氣清。啼鳥當風寒。不知此何鳥。歲晚若自憐。朝夕綠雲中。飛鳴太無端。借問此何意。問汝何所安。墮籜滿陰崖。飄零亦足歎。

### 舟中立春

二十日

臘盡無多日。春回又一年。客中消歲月。徼外厭山川。深樹鷓鴣雨。淒風猿猱天。梅花亦蕭瑟。墮落瘴江邊。

### 涇陽峽

逆水溯北江。三峽各異收。涇陽勢最雄。連山屹相抗。怒



石奮巉崖。飛泉裂層嶂。嶂斷澗屢分。崖崩灘愈壯。牯牛  
若礪角。釣魚如跋浪。崢嶸或鬼工。駢指插天上。漆武正  
奔流。盤折聚潭宕。百步捲萬重。千招陡一放。風濤合幽  
咽。猿鳥啼煙瘴。可憐牽舟子。微棹走踉蹌。足縮手互緣。  
頭俯肩已仰。腰腹任棘刺。尻髀轉空向。顛墮葬饑蛟。何  
人爲惆悵。是時曉日高。絕壁波光漾。草木無秀容。陰慘  
氣淒蕩。始知客身孤。浩歌黯自愴。

野燒

我家惜山樓。遙對金饒山。山中瀑布與野燒。當時曠望  
眞等閒。豈知流落薊門北。幾年不見青山色。卽今嶺微  
張亨甫全集

卷十八

三十五

苦厭山。猶是飄蓬歌乞食。畫船夜泊英州城。玻璃窗外  
紅靄生。萬峯垂雲照江水。中有絳闕飄霓旌。疑是武夷  
君。張燈讌孫子。又疑赤城霞建標。千年石室桃花倚。便  
娟黛影寫蛾眉。錦障翩風四十里。此時誰家吹碧簫。江  
天篴竹何迢迢。却愁併作湘妃淚。映入斑痕總不消。翠  
華亭圯武溪近。西望蒼梧魂可招。明良遇合何須羨。春  
流且待魚龍變。終宵放眼飽奇觀。夢裏家山忽當面。何  
緣更臥青巉巖。下窺船火如星嵌。朝來自決懸崖瀑。一  
洗燒痕換新綠。煮石負薪意亦足。

次夜再觀野燒



吾聞海市與山市。昔人嘆息嗟奇觀。何如當空野火態。  
煙霞雜沓包巖巒。烈澤仁猶見伯益。乘敵智可師田單。  
除舊出新翬萌植。似世亂剪滅羣奸。炎方霜雪所不到。  
人力亦補天威孱。摧枯拉朽薪作炭。取材無棄惡木頑。  
祇愁燬折及嘉樹。玉石或付崑岡燔。虎狼穴盡民始息。  
權衡損益非凶殘。豫章千尋桐百尺。託根非所吾所歎。  
殺草豪思闢塞獵。游鱗慘憶沙場寒。焚樓燈火秦淮船。  
興亡亦在俯仰間。夜深赤龍抱珠睡。淚垂花蠟搖風湍。

彈子磯

炎方實火維。萬石氣始王。錯雜燦五色。怪駭侈千狀。英  
張亨甫全集

卷十八

三六

韶四百里。天地石中葬。女媧不能收。崛起各擾攘。此磯  
亦雄奇。斬絕無依傍。壁削絕雲根。水迴折潭宕。颯颯陰  
風起。慘慘白日障。蕭蕭黑鷹盤。架巢皺皺上。樛枝裂穴  
出。鍾乳懸空漾。老碧互頑青。墮落卽煙瘴。下望耽顛頂。  
舟過乃敢仰。重疊盡蒼巖。遠游浩悵愴。

十七日登白雲山觀九龍泉由鶴舒臺經菖蒲澗

游瀟泉蒲澗二寺

此題在游光孝寺詩後茲補刻

神龍厭爲霖。眷此空山曲。仙人謝世氛。水石悅幽獨。我  
行散羈懷。高下厯崖谷。海色曠千里。江波不盈掬。化爲  
鳥外煙。濛濛上初旭。風帆浩然逝。慨想瀛洲綠。采藥憩



荒澗聽泉倚修竹。春光徧梅花。僧老懶出屋。心知萬緣空。不如一龜足。東坡去不還。誰同話遐躅。

舟中聽雨

煙裏晚濛濛。孤舟更北去。鳥啼荒岸竹。帆轉平沙樹。夜燈照暗水。雨聲在何處。萬籟如笙竽。歲華送遲暮。

○昨臨行雲麓觀察仍次前韻贈別除夕曲江舟中次韻却寄

風雨揚帆出廣州。尉陀故國感秦郵。不須漢使千金重。曾覽蓬萊左股周。騎鶴腰纏難並願。得魚斗酒合歸謀。武溪回首征蠻客。慷慨何如馬少游。

張亨甫全集

卷十八

七

此夕猶餘萬里思。自陳酒脯祭新辭。難忘鮑叔平生意。那得茅容奉母貲。食雁不勞嘲作郡。聽鷗乍可勸浮卮。別來若問愁多少。愁似春寒細雨絲。

張亨甫全集卷之九

甲午

建甯張際亮亨甫著

孔慶衢寄吾校刊

韶州元日醉歌

長安元日避不出。客裏茲辰翻謁人。幸非殘杯與冷炙。

可無杜老潛悲辛。

是日王柳溪觀察留飲署中

開口已聞話盜賊。當

官屢嘆何清貧。今時如此見者少。譚笑我亦忘其真。歸

來忽忽日已午。登山

復登郡治後整冠亭

泛舟復歌舞。問君慷慨

愁幾許。琵琶如雁水中語。黑頭不遣作三公。青眼何當

待千古。夜燒華燭照黿鼉。醉橫寶劍繞龍虎。豪士昔有姚

石甫。大名太守寓宣武。水部風懷亦坦率。四人對酒氣

張亨甫全集

卷十九

軒舉

丁亥元日在都下時姚石甫大令寓鹿春如比部宣武門寓廬同年牟一樵工部亦寓焉鹿前歲守

大嗟我飄零獨江滸。漏靜不眠聽鉦鼓。安得三太白百

東坡。朝游匡廬暮岷峨。百年三萬六千日。日日痛飲毋

蹉跎。重爲祝日翠華之亭翳女蘿。蒼梧西望浮雲多。有

窮者士無澗阿。美人且盡金叵羅。與汝賦命輕風波。今

宵不飲奈明何。

初二夜大風舟幾覆禱而幸免慨然作詩

山石若渴虎。呼吼生長風。怒掀曲江水。裂地騰蛟龍。我

舟跨中流。簸蕩無西東。鐵貓一千斤。下墜如飄篷。是時

夜昏黑。鬼嘯行虛空。但聞羣號啼。鄰船倏無踪。三老呼



索燭火滅已去蓬絕岸亂向背駭浪交撞搢忠信豈足  
恃焚香要神功須臾震疾雷死氣回生客舟危甚篙工  
慌亂皆日聽  
天命而已余乃焚香望空禱於吾鄉天后神未幾疾  
可  
雷一聲篙工皆日無憂矣雷則風柔矣已而果然  
憐少作客幾度煩憂忡兩辛卯六月閩江丙戌二月楚  
江辛卯三月淮河皆逢暴風轉  
痛父兄艱歲月江湖中天道善往復人事察始終煦煦  
固非仁幾使隕厥躬連日晴暖若初夏風復利舟人開  
頭一里卽泊舟中流復至韶州酣  
飲余以新歲人情之恒浩歌幸自戒未敢嗟途窮  
遂不之禁戒故幾于危

泊仁化江口寄家茶農大令

此次南來姚伯山東之大令在揭陽林古畝星

章大令在石城家茶農深大令在仁化家浦雲

張亨甫全集

卷十九

二

邦泰

太令在開平余在端州以開平近逼一書

三君者皆未知余之游粵也初三日泊此却寄

茶農

吾家老名士萬里宰邊州邑小憂羣盜官貧剩一裘昨

觀察燕臺思隔歲韶石對歸舟青峭千峯夕差同畫裏

云爾游王辰閏九月遇君都下爲作  
翠微讀書圖且題詩贈別

平圃文獻君  
故居

風度樓如昨還從故宅過荒原餘水竹奇石對煙蘿地

比半流店人哀馬鬼坡儻同姚宋在應止范陽戈

項在廣州陳蘭浦禮孝廉枉贈詩扇始興舟中賦



此寄酬

我愛陳無已。新詩冰雪清。別來素扇在。如見惠風情。年少能懷古。人傳豈爲名。何時跨鸞鶴。重與訪朱明。

寄曾勉士

劉同年

歲晚一爲別。春風歸柳條。美人隔珠海。江月共迢迢。觀世有清濁。著書無暮朝。他年和鸞嘯。採藥向西樵。

寄懷伯仁丈

瘴江煙雨晝冥冥。五渡三楓作意青。無數雲帆隨去鳥。有時風笛動離亭。故人病隔重城遠。倦客愁兼宿酒醒。皖水春來如碧玉。相思何日竟揚舲。

胡撻於二月度嶺

張亨甫全集

卷十九

三

寒意

遠山黯夕光。空碧動微茫。寒意不離水。歸心倍戀鄉。花孤憐雨久。樹老覺邨荒。萬物正蕭寂。流波何太忙。

別舟人

余足跡半天下。所值舟子。謹愿無如。粵東者。初八日至南雄。口占別之。

兩月南荒六買舟。舟人謹愿亦堪憂。憂他世路風波惡。那得餘錢便少休。

歸度大庾嶺

絕澗碧潺潺。梅花開滿山。天臨百蠻盡。雲出九江閒。近遠峰爭日。嵯峨壁倚關。觀風徧南紀。莫怨此空還。

謁先文獻公祠



盤空石棧似褒斜。斷壁巉巖列虎牙。此去山川連桂嶺。  
古來關塞幾梅花。時平不必防戎馬。祠古今聞噪晚鴉。  
漲海當年原善地。劉郎漫有五溪嗟。劉禹錫貶連州乃追怨張曲江昔曾  
言流官不宜與善地故卒無後云然唐時嶺南節度  
已爲雄鎮其僚佐多一時名流未聞有瘴鄉之感然則  
諸臣惡劣哉今中外一家南北富庶然南方實樂於河  
朔以今推昔亦可知也禹錫不自悔咎而怨憾及於已往之名臣何與

曲江風度想平生。早信漁陽禍已成。名與宋姚參一代。  
詩先李杜得中聲。秋風羽扇孤忠感。夜雨淋鈴遠幸情。  
祠祭已傷元老意。九原應戀翠華行。

千嶂誰平古險巇。濟人才大小猶宜。石牛不假通途智。

### 張亨甫全集

#### 卷十九

四

海燕重思感遇時。故宅煙霞餘氣色。

平圃傳系公故居

雄關草

木肅威儀。武襄未敢梁公圉。落日興哀子美詩。

#### 登八鏡臺

章貢無情此合流。歸人度嶺倦維舟。閒游玉局原如寄。  
悵望金臺始欲愁。空向江湖懷魏闕。不緣廟食與封侯。  
年年但祝民豐樂。老我何妨狎野鷗。

贛州始覺有春聲。鉦鼓連宵火樹明。轉嘆災傷半吳楚。

去歲水患甚劇

況聞盜賊似詔英。

嶺南韶州英州劫掠類仍贛吉諸州亦然

登高畏

見雲千里向睎眞。思日一晴多謝淮南賢太守。

謂汪孟榮先生

朝來能遣酒杯迎。



汪太守重建濂溪書院屬爲詩落之

郡邑皆設學書院義傳之兼儲草澤材以爲朝廷資煌煌建置初

帝王開宏規如何不學徒在公營其私安知風化本說禮而敦詩汪侯意氣豪顧盼英雄姿作郡於虔州次第有設施始念獷悍俗頑梗必剪夷盜去里巷靖過客無憂危適度義倉工迺拓試院基迺新斯堂宇千間煥峨巍凡此興作費金錢百萬奇此才官司農何至紕度支天子置左右富教庶可咨盤錯困利器對酒來吾悲座上有客言因緣應以時創始亦癸巳汪侯實來治書院創於

張亨甫全集

卷十九

五

前癸巳太守汪公某及去年癸巳落成實一百八十年而太守復同姓亦奇也我願此州人共式周程師庶見陽學士不媿東坡知徘徊夜話亭慷慨四海思吾行狎沙鷗滔滔復語誰

惶恐灘

惶恐灘頭不見灘惟聞碧水自潺潺孤臣去國千年淚

閱慣沙鷗只等閒

山憶喜權勞遠夢路經惶恐泣孤臣蘇文忠句也

留取丹心照汗青至今信國足清名後身尙死揚州土

有弟居然亦再生

惶恐灘頭說惶恐零丁洋裏嘆零丁人生自古誰無死留取丹心照汗青

文信國句也世傳史閣部係信國後身史某弟仕本朝信國弟亦降元也

十六夜泊張家渡北風甚厲而星月滿天感念故



園舊游淒然成詠

夜燒華燭春江上。忽憶平生浩悽愴。故人回首幾存亡。

存者寂寥我何向。當時懽樂曾不知。城西看花城北馳。

紛紛桃花照溪水。溪日欲落花風吹。乙亥丁丑間每與嚴山後山看花黃

洲或在徐家園。亦有絳桃樹。城南池館此更佳。花時碧

雲橫日暮。乙亥丁丑間藕亭先生館水南徐氏園有絳桃碧桃各一樹花時余與嚴山常過宿花

前月出照黃昏。詩情澹與春無痕。落盡梨花始不出。已

令一月忙金尊。熊丈與阿兄。年皆餘四十。我時年小許

長揖。酒闌對花或自泣。同時謝與朱。謝秀才鵬飛朱秀才珊真率

亦有餘。憐我疏狂受羣謗。勸我發憤窮詩書。彈指如今

張亨甫全集

卷十九

六

二十載。頭白惟看熊李在。溪上年年花自飛。無人攀折

柯條改。天涯處處足風波。況是中年哀感多。老去謝安

真恨別。愁來子野畏聞歌。亦知人生總幻夢。對此茫茫

那無慟。五嶽經時憶向禽。孤舟永夕羈章貢。眼見頻仍

吳楚災。貂裘駿馬滿燕臺。關中半是輸邊客。海內誰非

濟世才。歸飛只羨雲間鶴。露重霜寒免飄泊。江山風月

一征人。青鬢蕭疏已非昨。舊游細數不分明。何意千秋

萬歲名。莫向黃公壚下過。桃花煙雨欲清明。

吉安望青原山

白鷺洲邊芳樹遲。青原山下去帆稀。江天風滿數鴉沒。



山寺雲深孤塔微。先後屏王同有恨。東南名士半無歸。  
終憐藥地飄零迹。侯冒他年孰是非。

曉過峽江

峽口依依月。猶隨曉日明。江清山有影。天碧雁無情。客  
久去程熟。春來離思生。露花與煙草。到眼太縱橫。

○余去年九月十八至樟鎮。今月十八復泊焉。感而

作詩

江流無恙客依然。換盡霜紅見綠煙。歲月千春看落照。  
山川萬里得歸船。誰家哀怨同無夢。到處淹留或有緣。  
傳語妻孥多置酒。東風客易促華年。

張亨甫全集

卷十九

七

○南昌郡署酒間逢家蓮舫

萬青

及其族弟汝爲

世昌

南州未必無高士。我愧陳蕃置酒來。可惜吾家好兄弟。

相逢此日各塵埃。一時中外金貂貴。

去歲籌捐事例在位許捐花翎萬

里東南澤雁哀。共唱春風鷓鴣曲。坐中有客莫須猜。

○二十二夜泊蔗林大風次夜泊溫家鎮風益厲慨

然有作

昔來雨雪哀歌地。聚落重過半廢洲。已惜民稀毋怨盜。  
漸憐身老厭封侯。年荒轉作求田計。風厲翻如出塞游。  
眼底蛟龍多跋扈。只宜歸臥狎輕鷗。

臨川舟中見花



江天煙靄畫濛濛。隔岸花明似雪空。黃鳥若爲春易暮。  
盡情啼雨向東風。

過建昌望瀑布

千嶂碧芙蓉。嵐光浩滿空。吹來雲海氣。散落九天風。歸  
去吾將隱。山晴雪意同。余家望金鏡瀑布最佳  
所謂金鏡晴雪是也白頭應  
跨鶴。來往水簾中。

舟中見梅花

嶺南十月梅如雪。江上新年雪作花。已惜流光同旦暮。  
況逢春色總天涯。夕陽曉月棹孤倚。暗水明煙風半斜。  
望裏村原正寥落。眼明喜見揀枝鴉。

張亨甫全集

卷十九

八

泊漁梁

竹密鳥聲雜。溪明花影通。遙看似雪處。無限夕陽風。生  
物靜多感。春心清滿空。軍峯片雲外。蒼翠壓孤篷。

過曾文定故里

誰言行誼遜文章。學舍分明記可傷。千里勞人竟何事。  
孤舟斜日過荒鄉。

南昌遇劉菊士孝廉遂連舟至南豐口號贈別

薊門一別又經年。那意章江對繫船。海內論才幾龍鳳。

道旁啄肉半烏鳶。

南昌餓殍載  
道吳楚亦然

挽車采葯吾將隱。墊角

乘舟汝自仙。共有慈親歸去好。風沙何止滿幽燕。



門風顧陸擅江東。文采蘇程照粵中。君與子序爲中表兄弟余識二君皆

在都下一第何曾關得失。四方今自待英雄。愁來長劍須

天倚。酒罷清江喝月空。相約流觴過上巳。故園花事及

春紅。

○七月一日携姬人自新城至光澤小住煥奎北部

家遂買舟下閩江十四夜至南臺口號並寄煥

奎

一江秋水照睂痕。直看青山向海門。到處繫舟勞送酒。

謂上洋李式軒秀才誰家對月別銷魂。悲懽人境皆吾

與。行止天狂耐俗論。爲報卸帆安穩後。宓妃奉鏡侍黃

昏。張亨甫全集

卷十九

九

送敦復歸建州

碧山已涼露。漲海又秋風。去棹看孤雁。歸田聞百蟲。離

心醉時永。幽夢古人通。萬物皆搖落。誰能嘆轉蓬。

題西堂詩後

三年別夢最相思。悵在尊前感在詩。頑健且須同一笑。

秋涼酒熟菊花時。

○九月初三日杰夫招同西堂霈然梅友价岩旬卿

修樓燕集道山文昌閣口號

海天風雨入蒼茫。譚笑依然一酒狂。大好江山屬吾輩。



高瞻星斗接文昌。重雲壓水氣皆白。老菊迎尊秋欲黃。  
記取他時觀晚節。眼前富貴有滄桑。

酒中書扇贈林二觀成需然

秋色蒼然萬里來。登高痛飲壯懷開。馮唐遇主思前事。  
李蔡封侯感下材。樹老盤根盡龍虎。劍長騰氣卽風雷。  
尊前一醉斜陽盡。期汝悲歌市駿臺。

初六日揭曉後走筆爲杰夫書素縑四首

南北浪遊倦。乾坤何處歸。飄飄一長劍。冉冉舊征衣。風  
急催秋暮。天高見日微。未應嗟獨鶴。鴉鵲晚猶飛。

四海紛多故。吾生亦有涯。龍蛇寒欲蟄。鴻雁暮何之。攬

張亨甫全集

卷十九

十

鏡驚客鬢。登樓閱歲時。天邊好明月。長與照歸遲。  
昨夜楓林葉。蕭蕭下碧流。蒼山暗南浦。歸夢滿扁舟。薄  
酒難成醉。孤懷易覺秋。不須問漁父。逝矣狎沙鷗。  
三徑荒蕪盡。東籬菊可存。白雲照溪水。斜日上柴門。稼  
學老農事。騷招千古魂。卽今苦留滯。身外更何論。

題鄭修樓同年采蘭圖

倦客心情百不宜。海風吹鬢漸成絲。逢君一奏猗蘭操。  
將母歸來那得遲。

西湖三舟圖爲葉五

倬昌

卓人題

康熙乙巳王西樵先生罷官後

游西湖時萊陽宋觀察携李曹學士先在此三人日游湖上刻有三家酬和詞曹歸而燕山楊



太常繼之西樵既歸晉江林大參命工作圖贈  
觀察而西樵先生在揚州見此屬蕭君晨臨本  
今卷中題詠皆遺老  
老及當時名輩也

六橋垂柳自依然。不見王郎打槩年。忽漫披圖感陳迹。  
半湖煙水落尊前。

宋楊文采總凋零。却爲西樵憶阮亭。寫徧闌前楚江色。

不知何似此風舡。漁洋先生摘星樓閣浮雲裏。一傍危闌望楚江之句。江淮間人多寫作畫圖。

却後江山畫不成。風波宦海况堪驚。閒情輸與尙書好。

蘇小門前記雨聲。卷中龔芝麓先生有詩云殷勤爲喚東華客。蘇小門前舊雨情。

早達奚如晚遇佳。陳髯不負好風懷。歲寒欲報梅花使。

張亨甫全集

卷十九

士

騎馬何年共

御街。余屢試不遇。往歲黃樹齋給事周小湖侍御屢欲奏請開博學鴻詞科。屬余屬草。余力謝之。今卷中有陳其年先生詩。先生年踰五十。以是科入翰林。其書甚拙。而頗好聲伎。皆畧與余同。故戲及之。

君家兄弟似三王。累月園林對舉觴。亦有西湖福州城西好

雲水。夜來中酒夢漁莊。

綠筠堂菊花詩集爲浦城朱緘三秉銘丈題

故園幾日又西風。秋在疏籬東復東。却向天涯苦回首。

惜花清怨語孤蛩。

南浦江郎恨別鄉。誰憐春碧更秋芳。憑君問訊山中客。

品徧黃花鬢已霜。



三十年前名孝廉。風流文采照東南。夕餐近愛秋英好。  
惆悵文端聽馬參。來文端公既薨聞馬聲而知馬之良  
劣及病否先生亦壯年而薨而嗅菊  
葉則能辨菊之  
種類亦異矣

弟子能詩復解書。草堂文燕集簪裾。背花搖櫓江天去。  
余於明日  
發舟歸矣團菊無緣感有餘。集有團菊  
續重陽詩

十七日西堂杰夫价巖葉十五仲勤景昌十七旬

卿各携酒至洪山橋餞余口占爲別

逝波不西歸。吾生非少時。萬事若在手。靜念俟已非。灼  
灼江天花。嫋嫋秋風吹。風吹故人酒。淚落游子衣。昔別  
曾幾日。庚寅冬西堂价巖  
旬卿亦送余至此今別思前期。風花正飄搖。人

張亨甫全集

卷十九

十一

事那得知。對酒且莫悲。數日同西馳。俯仰旦暮間。見我  
扶桑枝。

舟中偶作

空際碧氤氲。天高正夕曛。一江青果合。千嶂白雲分。邨  
遠孤光見。秋清眾響聞。扁舟歸興好。能不惜離羣。  
五載重相見。人情勝故園。江河秋痛飲。風雨晝高言。說  
劍頻移燭。投詩每叩門。竟忘羈旅倦。返棹愴歸魂。

歸舟

白雲出江天。照我遲歸舟。不知千載下。誰見閒沙鷗。得  
歸自無失。山水況好秋。綠波映幽石。碧樹垂芳洲。天南



露華秀。晚翠不可收。翻憐草木落。九月悲薊邱。富貴異  
欣戚。貧賤亦少休。西望眾峯深。煙靄吾能求。

水口

歌散碧雲寒。秋風動流水。借問能幾日。老盡紅顏子。時  
艱英雄困。事去兒女恥。杯酒笑仰天。青衫濕何以。蒼崖  
挂古驛。冉冉落日紫。貴人畏湍濤。僕馬爭山駛。安知一  
世間。平頗互相倚。白鷗戲江波。浮沈吾已矣。

方口

秋深蟲響急。至夜尤清虛。蕭蕭落江風。遠近俟有無。西  
招長庚嘯。閭閻不可呼。野宿信波濤。談笑魚龍趨。未應

張亨甫全集

卷十九

十三

一葉舟。不及三蓬壺。青霜凍碧落。桂樹連根枯。空江似  
明河。迢迢竹黃姑。

秤鈎灘

怪石全吞地。驚湍曲駕風。一篙鬪神鬼。萬死脫沙蟲。白  
日元先澹。蒼山勢更雄。出灘猶悵望。十載此匆匆。

三都口

夜雨落江空。沙天響百蟲。瘡痍雙眼外。愁病一舟中。懷  
古知天意。哀時望歲功。秋禾應更好。歸臥慰山農。

岳溪

斜日風林動。重山暮靄浮。數家懸絕岸。萬石擁孤舟。客



久悲歡盡。邨荒氣色幽。多情雙浴鷺。爲我立沙頭。

十里庵

江暗孤螢度。煙高細火明。秋風餘一劍。何處許平生。永夜依南斗。扁舟滯北征。素書空在抱。黃石夢相迎。

延平

霸氣不能平。江山有餘怒。驚濤日崩騰。怪石森環布。嵒嶮長蛇勢。慘澹毒龍怖。浪頭盡螺旋。峽角半鱗露。奔峯萬騎馳。陡立若反助。極知地力勇。亦恐天吳惡。崛強六百里。與海爭割據。尤雄建劍間。無灘不跋扈。天高悲風來。蒼涼秋塞暮。射鱈感漢年。騎馬改唐步。英雄不成名。張亨甫全集

卷十九

十四

僭竊乃昏豎。東南重險區。坐使紛多故。蜂窩散篙眼。戈船幾征戍。我頻派沿迴。嚴城動指顧。王侯笑逝波。區區豈不遇。

城門瀧

絕壁抱江幽。青蒼萬石秋。入雲牽纜出。沈日覺天浮。人語山時應。風鳴瀑亂流。脩脩楓柏外。誰見繫孤舟。

礪口

大星動山脊。流照半江明。岸樹垂秋影。灘風答夜聲。數家茅屋閉。一暝水煙成。不寐聽寒吠。蕭然野興生。

上洋口



遙憐雲水際。煙火黯蒼蒼。風色千家暮。秋山一鳥長。故人江上去。時式軒往豫章殘月酒邊涼。誰更吹橫笛。知應怨早霜。

### 過順昌

夜烏隨片席。送我海門游。七月五日至光澤主煥奎太守家七夕日登舟由邵武過此下會城一醉荒城酒。重來落木秋。山蒼明晚照。天澹見寒流。誰看樵嵐月。西風滿去舟。

### 漠舖曉發

殘月不墮水。秋江成曉煙。濛濛四垂樹。黯黯獨歸天。黃鳥故多語。青山誰晏眠。因悲古豪士。投老戀林泉。

### 張亨甫全集

#### 卷十九

十五

### 舟至將樂

水宿曾三度。已卯辛巳癸未皆自邑城登舟過此留宿茲行況九秋。江山如昨日。風露滿歸舟。城暗人煙冷。灘明夜火流。驚寒更懷舊。薄醉愴羈游。

### 次將樂南郭

厭見驚灘水。移牀對晚城。一尊故人酒。是日邱同年送酒十載驛樓情。乙酉冬嘗居此驛短鬢秋風動。雄心畫角生。漫憐殘月盡。是日廿八矣應望客星明。

### 苦嵐

一邨入幽谷。萬綠暗浮天。嵐氣常成雨。谿聲亂墮煙。山



農如熟識。土屋話豐年。禾黍西風外。翩翩夕鳥還。

過樟源嶺至王家地作

萬山扼閩西。重嶺蔽白日。倦游趨故鄉。險難路非一。朝  
從苦嵐發。嵐氣慘肌溼。樹深如波濤。洶湧鬪蛟室。陰風  
起絕壑。足底浩蕭瑟。下視見霜葉。紅黑閒丹漆。羊腸仄  
徑盤。鳥背輕輿出。十步欲百轉。前後屢相失。天光何茫  
茫。雲海氣蕩潏。蒼然翳千里。秋色一鷹疾。我僕緣崎嶇。  
回望正顛踣。方知到絕頂。驚定汗猶溢。如何嶄峭區。野  
人結寮密。崖傾散煙火。霜落收榛栗。貴賤圖飽溫。苦樂  
殊勞逸。慷慨宇宙間。茲理誰能述。朱藤繡枯木。黃茅蒙  
張亨甫全集

卷十九

六

過挽舟嶺

去術在昔多。劫掠至今餘。凜慄紆迴轉。荒晦淒清響。蟬  
蟀復有窮。居氓婦子衣及鄰。見客走相窺。雞噪亂蓬草。  
竈旁懸竹筥。接泉落窟窟。飽啖太古春。老死無憂恤。余  
行亦何爲。悵然感三黜。

曉行發杉陽。午食至楊口。坡坳轉深曲。淒日冠嶺首。極  
望氣蕭蕭。長松間楓柏。亂葉炫丹黃。盤根錯蒼黝。篋輿  
仰向天。百鳥飛在後。千仞石磴懸。一步瞬八九。荒庵坐  
俯瞰。眾山皆培塿。青峭數峯高。秀色動南斗。吾行半天  
下。幽討徧林藪。豈知茲境奇。悵別故鄉久。貴遠賤近情。



於吾亦何有。轉嘆身世間。萬理了可剖。僧徒餓死盡。野老貧見肘。閱人總艱難。撫心良汝負。欲下更螺旋。巖谷若呼吼。倒翳石蘿深。松風亦左右。雲端忽返照。僮僕疲奔走。炊煙茅店來。醉臥拚邨酒。

到家

十月五日

四海一狂客。

勞人記姓名。

典試吳君于梁方伯家相。訊余與吳初未相識也。

文章空釋憾。

本房宋令庚寅與余在晉安不相能。然文其呈薦也。

衰疾獨含情。樹已零秋葉。

山仍放晚晴。幸聞禾黍熟。牢落氣俱平。

池上

夕陽池上數花垂。花影池光兩未知。忽地一聲魚潑刺。

張亨甫全集

卷十九

十七

水風搖動又多時。

學前

學前風景渾如畫。千嶂浮嵐蕩翠屏。城際樓臺疑北固。煙中水樹似西陵。射場試馬看年少。香閣啼鶯喚老僧。誰與憑臨話人代。眼中雲谷有衰興。

風流令尹迹全蕪。每憶承平樂事殊。三載奇荒難禁暴。萬家凋敝急催租。出陳何止奸胥飽。糴賤如聞比戶蘇。

民靖何妨官跌宕。起看城外月輪孤。

康熙間邑令章全人與幕客戴雪邨

學士瀚月夜常飲于小西橋。橋在城外與學前相望。

太弋飛流萬仞青。穹岩絕谷晝冥冥。山川佳氣長今古。



風雨諸峯在戶庭。但與閒官高擁枕。不聞奇士偶鍾靈。  
會須獨荷長鑱去。遙望宮牆一拜經。

行經饒山下作

傲廬望茲山。遠若在天際。偶經山下行。雲嵐翳蒼翠。寒  
陽透熹微。映邨光若墜。樵路入空虛。炊煙出深翳。風中  
一鳥嘯。霜葉颯滿地。蕭條崖谷聲。遠近窈相次。溪迴水  
雜奏。峯側石多異。心賞一以孤。悵然難留憩。

至均口宿藕亭先生家次日賦別

一邨流水色。萬葉夕陽聲。留醉霜松晚。因荒社穀成。暮  
年娛幼子。餘事及蒼生。五載空爲別。因傷道路情。

張亨甫全集

卷十九

十八

南豐別菊士時君將與桐舫入都

一年三度此相見。

今春別後六月再至。此諸友燕集甚懽。

萬里長征誰得

閒。同值游饑能不死。正思當世或投艱。邊風朔雪關河  
北。匹馬孤舟天地間。恨少離觴醉閒月。且看暝色立沙  
灣。

建昌道上

天際見歸鴉。征人忽憶家。川原寒落日。去路滿風沙。四  
海終誰託。孤雲久自嗟。夜來向荒店。有夢落煙霞。

見掃落葉者

余幼育於乳母家。三歲始歸。後八九歲常往省。



焉。乳母故貧甚。值歲暮。煨芋爲粥。與其子入山掃落葉。拾枯柯爲薪炭。然其時意甚樂也。今乳母死十八年矣。余不至其家久矣。思向者之境。殆不可得。偶行金谿道中。觸目成詠。甲午十一月望日。

陂陀百年樹。霜葉紛蕭蕭。邨童拾爲薪。歲晚逸老樵。天心無棄物。養人及枯凋。獨媿七尺軀。濩落昏與朝。轉憶少小時。入山攀柯條。下有千歲墳。上有長風颿。落日照簌簌。負歸行且跳。噉粥飽卽懽。走鄰索笑嘲。安知倏二紀。貧困仍筆瓢。邱山愴生死。道路傷蓬飄。浮雲東南征。張亨甫全集 卷十九 十九

西暉不可招。黃鵠側翅飛。誰能嘆鷗鷺。

風雨徑東鄉山中

萬山寒氣若立馬。孤客車聲如落鴉。卷地長風吹雨急。黑雲滂出草亭斜。

濕盡征衣尙未停。溪山煙火晝冥冥。一羣翠鳥衝人過。吹落梅花風滿汀。

安寅

小邑俗何傲。豐年民未蘇。新聞議鹽法。且復急秋租。日暮鳥誰止。天寒雁自呼。舟車厭來往。觀世得長吁。

涼散亭

在萬年山中



老樹禿臥地。孫枝青蓋天。蒼寒太古氣。空闊一家煙。歲晚寒炊菜。邨平暝帶田。倚門嗟少婦。艷不自哀憐。

樂平徑鄱陽山中

迴合重峯外。長松氣滿山。人煙散谿谷。風色聚烏鵲。日落看天遠。年荒閔俗艱。番君有英魄。相望暮雲間。

至日

在浮梁從兄宅

此日復何日。無家忽有家。禮存吾父意。

先君子在日此日必祀先世集

羣從飲福今從兄家亦如此

醉忘異鄉嗟。霜氣寒嘶馬。山光暮落鴉。

荒邨惜流景。況憶幾天涯。

頻歲此日在客中

別從兄際時

從伯兄少客浮梁邑西鄉二十五里日逢衝排及兄將八九年矣余以

張亨甫全集

卷十九

三

族事繞道至此留五日臨行作詩

同祖愴式微。遷徙半異地。君昔歸故鄉。吾方客幽薊。及茲幸相見。苦留十日醉。嗟余困飢驅。遲暮急征騎。相期大門戶。何以振衰世。富貴亦偶然。誰能棄仁義。深邨霽朝雨。草木聚寒氣。出門聞雅聲。看雲知雪意。征車豈不勞。萬里久如寄。道旁感諸子。遠送一停轡。踟躇欲何言。孝友勉相繼。尙思葉家山。騎馬踏蒼翠。

兄有別宅在葉家山二十三日

雨中騎馬往游

雨行鄱陽道中野宿有作

青萍腰下劍。難割垂天雲。出門冒寒雨。輕車如雷奔。暮



投邨野宿。不問何主人。側媿僕從勞。凍餓簷下蹲。亂髮  
若新沐。泥塗汚其身。却來持我衣。霑灑何足云。蒼山送  
晚靄。夕鳥鳴籬根。蕭蕭風林聲。月暗中夜喧。幽懷耿不  
寐。萬籟時有聞。浩歌望千古。志士多苦辛。

建德

我從浮梁來。三宿至建德。重山勢亘天。晝昏慘如夕。邨  
墟久蕭索。滿地碎瓠臂。謀生及菜蔬。墾種到劣巔。畦塍  
細盤雲。高下疑介晝。道旁詢父老。猶言苦無食。安知殫  
人勞。實已窮地力。頻年江水漲。東南半淹溢。俗敝盜何  
多。民生困安息。荒城負山崦。霧雨壓城黑。敝車破曉行。  
張亨甫全集 卷十九 主  
望遠百憂積。飢鴻豈自哀。老驥復誰惜。出門卽太行。到  
眼盡中澤。悲歌倚長劍。冉冉鬢將白。

雨行

雨行二十里。母子正朝食。出火餉以魚。憐我飢寒色。且  
言今年荒。小人苦勞力。老親幸一飽。啜粥兒在側。我聞  
再三嘆。似爾誰能得。栖栖歲晚行。十載空憂國。室有凍  
餒嗟。高堂淚垂臆。驅車念稅駕。無地容休息。浮雲蔽高  
天。須臾四野黑。簷鳥凍不飛。孤鴻去何極。

宿宋家埠 屬東流

野色寒光百里間。草亭坐見皖公山。朔風滿地江雲冷。



夕雁橫天尙未還。

六月江流歲到門。百家今有幾家存。漕糧一斛加三斛。

辛苦災黎尙感恩。漕糧一斛民間折色交官價至三四倍然父老猶言但使官不要錢此項

猶分應輸納也

### 風雨度皖江

迎江寺前江水長。迎江寺外北風狂。我行忽近寺門塔。寒雨瀟瀟非故鄉。

### ○皖城雪後感懷賊呈雪未觀察

塵馬煙檣故有緣。浪游三泊皖城邊。大江東去空英物。白日西飛感少年。豈有蛟龍終失水。不無鴻雁晚橫天。

### 張亨甫全集

### 卷十九

三

占豐喜見連朝雪。誰怨長風阻去船。

滅刺年來媿稱衡。胸中壘塊故難平。虛傳圖畫論詩久。

時與觀察話徐廉峯太史憶王辰閏九月出都太史屬工繪四子論詩圖畫而別敢謂山河應

數生。去歲夏六月周小湖學使在河南集唐句枉贈有云白是山河應數生謂余日平生贈人未嘗推許

如此惟君固足當此語也萬竈尙憐沈廣澤。邇年江南西潁江一舟郡縣皆苦水患

何處望神京。羣仙抗手雲霄上。可憶人間雪後情。

使君持節渡江來。觀察署在蕪湖今相遇於此留我江城置酒杯。天

際歸舟惟爾識。蕪湖有日斜聞笛爲誰哀今年春恭甫師已游道山

項與觀察言之再三嘆息空思洛下門應掩。正遣山陰棹未回。東望

海雲吾欲渡。風波如此失蓬萊。



卑園

尙書際承平。磊落能好士。當其困不遇。俳優乃知己。及夫奮風雲。變化龍虎駛。一鳴矯高翔。眾鳥暗下視。出持西南節。孤寒走千里。名高衛將軍。氣蓋魏公子。紅拂或逃楊。黃憲終御李。何嫌狗盜輩。門下跋珠履。是時武功成。文教至尊喜。大臣解承風。後先競方軌。小尹復短廬。顧盼各雄偉。豪宕大興朱。翁范稍倫比。後進立聲名。餘論出牙齒。由來說士甘。共引蔽賢恥。胡牀嘯秋月。錦袍醉江水。落帽容孟嘉。吹笛雜李委。山川供藻飾。歌舞亦閒起。脫手千黃金。急難見師友。自非久富庶。中外張亨甫全集

卷十九

三

安有此妖星。動楚氛。辰沅徧壁壘。牽牛顧織女。流涕湘蘭死。空歸嚴公櫬。誰設穆生醴。諸老半凋零。萬事錯泰否。人才與世運。太息古相倚。茲園負靈巖。泉石照羅綺。

想見顧阿瑛。賓從一時美。豈賭別墅棋。

此園尙書後以歸虞山蔣相國家

歸如修洞庭史。

徐健庵司寇罷歸後于洞庭山開修明史局此園相傳畢公嘗集賓客纂續通鑑

史。武溪魂不歸。平泉花未徙。我來問行跡。亭榭苔蘚紫。

老梅亞松濤。蕭瑟雲煙裏。坐閱益多故。度支煩四海。羣

公抹過艱。謝客等傲屣。頗思陳太邱。道廣未爲鄙。廉吏

昔所難。豪舉今則已。淒清澗沼咽。寂寞春風始。不聞漁

父嘆。窮士可行矣。



穹窿

朝行出靈巖。午齋來穹窿。寒松閱天日。陰泉半成風。飄  
蕭響落葉。散入虛無中。邈然悟萬化。時過迹已空。道人  
鍊金骨。化爲蒿與蓬。却同話茅君。指點三青峯。擾擾宇  
宙內。何許非沙蟲。迴舟一孤嘯。江上聞疏鐘。

至光福泊舟

煙雨入湖光。山水成變態。扁舟漾清虛。渺與輕鷗對。岸  
花藹如積。漁市遠已晦。蓊然雲氣多。浩想去帆在。冥涉  
道易孤。靜觀迹互代。夜至聞疏鐘。浮圖隔雲內。

古柏菴

張亨甫全集

卷十九

二十四

司徒廟中七株柏。其四夭矯如龍蛇。何必摩挲感人代。  
出門揮手卽天涯。

銅井山

我行香雪海。萬花何濛濛。曉色始欲煙。春氣藹在空。雲  
端見茅屋。上倚石龍嵒。仰攀得大觀。遠眺長湖雄。浩然  
積水光。浮動千青峯。清暉可攬結。變滅隨天風。幽鳥啄  
庭樹。疎花墮寒叢。道士話銅井。人代零秋蓬。獨有縞衣  
仙。高下羣相從。便欲駕歸鶴。不然踏魚龍。誰能塵土間。  
局促與世同。



。過樅陽弔劉海峯先生

漢武樓船江水東。射蛟壯氣浩橫空。高臺屹立人何在。  
豪士重來筆亦雄。已許鯨魚掣碧海。可憐龍虎失雲風。  
蒼山老屋霾煙雪。萬古銷沉貴賤同。

望九華山

李白何年復放舟。長風不斷大江流。九峯秀竹青蓮色。  
天外安知太華秋。

江行絕句

十六年前二十時。朔風吹酒復催詩。今來才思因何減。  
惆悵江空鳥去遲。

張亨甫全集

卷十九

三十四

沙雁啼風更水鴉。蕭蕭千點到天斜。生憎楊柳無情思。  
落葉斜陽徧酒家。

雪後千峰遠更明。中流忽黯暮天平。江山雲靄初爭夕。  
一片空寒畫不成。

橫笛誰吹倚舵樓。天青江碧數帆秋。無端却怨關山月。  
那得征人不白頭。

風定流平各挂颿。冰霜遙夜濕征衫。烟中人過鷗驚起。  
水外山浮月半銜。

雲際微分斷塔青。水天積氣浩冥冥。三年江漲痕猶在。  
父老無家有涕零。



天塹蒼茫六代非。大江千里尙清暉。扁舟此去吾何往。  
獨月青山李白歸。

白鳥

白鳥孤飛靜滄江。遠影明不爭鷗鷺食。獨抱雪霜清。下  
視見千里。高寒時一鳴。人間少丹穴。歲晚復長征。

守風蕪湖十六夜見月口號

朔風起西北。塞雁滿雲端。吹偏長江月。東南天地寒。千  
櫓帆正隱。萬樹葉俱殘。畫角孤城外。流光逼歲闌。

由于湖登赭山坐檜軒望江

軒祀宋張于湖先生孝祥

北風號空白日淒。城陰一鏡湖光低。白鷗數點落煙雪。

張亭甫全集

卷十九

三五

蒼山遠近明招提。寺僧畫出童子。在淪茗與對青瑠璃。  
歲寒百物意態靜。曠想萬古無端倪。却登滴翠軒。下見  
江水波騰翻。六朝事往戰氣在。亂雲如馬奔天門。西望  
荻港哀王孫。靖南殘壘危磯存。時危將相足可用。胡使  
碧血膏鼉鼉。古來國破盡如此。正憶光堯醜前史。長城  
自壞棄中原。半壁金縉和議起。當時內持訝孝祥。豈知  
偏安亦幸耳。因思采石虞允文。應笑潤州楊龍友。知人  
可惜有唐藩。不渡長江竄滄海。江流到海終茫茫。俯仰  
誰與悲興亡。層巒高下雪霜出。一鳥東南吳楚長。斜陽  
照空風色曙。驚濤暮捲天低處。未作三頭好浪游。峭帆



明日且孤去。

蕪湖別雪椒觀察五十韻

慕道悔不堅。虛名恨太蚤。致謗匪無由。冉冉恐將老。平生舊親愛。幾人送懷抱。辱公於我厚。忘分屢傾倒。別來述所聞。忠告而善道。顧余雖賤愚。豈敢自棄暴。古聞剛則折。干莫未爲寶。江河萬里流。孺子狎潢潦。蘭艾忌同生。邢尹必相媚。知幾愧明哲。往事重懊惱。太府采文獻。使者薦張鎬。馬卿特雍容。兔園坐羸耄。譚笑有猜疑。傾軋無朋好。罵坐傳灌夫。書空謂殷浩。曾參能殺人。不疑乃爲盜。遂使師門知。始終已難保。死去復誰明。悲來祇

張亨甫全集

卷十九

三

自悼。詩人惡青蠅。騷人感芳草。眾人何是非。愛憎隨臆造。道塗互聽說。瑣屑如里媪。憶昔北游燕。羣畏南方獍。過情恥聲聞。尙志頗孤傲。當時兩巨公。文戰樹雄轟。自許韓昌黎。網羅徧郊島。余本山野性。不解媚與寵。無實貌敬恭。去之迹如掃。謠詠倏紛騰。摧抑轉高蹈。作書絕巨源。致死任王導。幾成洛蜀黨。不爲牛李報。至今多側目。何年息羣譟。方公宦京華。憐我每覆冒。歸嫌譁流言。久欲與奔告。乍逢羣舒地。雨雪相慰勞。壯氣吐虹霓。傲裘對旌旄。狂奴態猶故。范叔寒始燠。醉歌揚去帆。水寒天顚顚。蟪蛄北風惡。五日困寒陳。冰霞蹴長空。飛馳萬



騎到孤蓬縮首坐。閉塞卯在范。公來更授餐。微婉申誠  
詰。登舟送遠行。再三若論詩。仁者春滿胸。吹噓長枯槁。  
不林慙薄植。培植信蒼昊。悠悠當世情。變幻不可攷。但  
看詆毀私。於吾竟何禱。生存炙手勢。身沒等浮縹。固知  
金石貞。不畏鑠火燥。公懷自愷惻。余意豈桀驁。僧孺庇  
杜牧。灑泣憂心禱。終當戒傷春。且復慎投縞。

寄翁蕙卿

蕙卿名時樨。有雋才。今年在福州。屢來訪余。投詩  
枉贈。擬以太白。余病不能荅。於心闕然。既謁太白  
墓。根觸於懷。乃作此寄之。

張亨甫全集

卷十九

三

翁君年少才甚奇。自云十載好我詩。秋風海上動落日。  
痛飲坐對孤雲遲。和歌何殷勤。謂我如太白。我時醉舞  
拓金戟。回首揚帆別晉安。扁舟已是姑溪客。卻尋小謝  
居。來訪太白墓。縱酒吟詩亦偶然。醉魂縹緲真仙去。問  
余何所或相似。倚馬高言聊戲耳。世皆欲殺幸生存。游  
徧東南好山水。登高曠觀天地間。大江茫茫去無還。我  
誦此語興超忽。眼前豈必非廬山。夜來更渡天門月。亦  
復皓如山陰雪。祇今直北是長安。笛中悵望梅花發。人  
生萬事難可期。浩若海上三山乍明滅。秋風吹雲雲已  
飛。我昨夢君知不知。還將手翳太白面。蜀山牛渚



磯

青山

元暉昔罷郡。偶治茲山宅。秋色見宣城。天連楚江夕。風懷似康樂。世遠空遺迹。飄零李謫仙。低首及泉石。

○ 遇王亮生

鑒

廣文有贈

君時客太平沈侍郎師學使院

見君已是三年別。惜我常爲萬里行。無福著書消縱酒。有時論事抵談兵。新寒楚雪連牛渚。往日梁園滯馬卿。君累游學使幕今客吾師幕亦已數年安得洞庭同卜宅。對思京洛倍含情。君家于東洞庭山

登采石謫仙樓徧閱壁間題詞因命僧徒置酒歌

張亨甫全集

卷十九

三

太白詩覺天風自來大江不去白日旣昏繼之以燭而余醉矣得二十八字

李白來游亦偶然。至今明月滿風船。天門秀色連江水。小謝青山在眼前。

蛾眉亭

絕岸蟠牛渚。孤亭石壁間。詩情此天地。戰氣古江山。故壘經潮盡。輕舟問月還。因懷高詠客。楓落滿沙灣。

太白數簫尺木畫壁歌

前見太華月。後見蛾眉雪。香鑪瀑布下奔騰。日觀朝霞上明滅。偉哉四壁一照眼。乃有千巖萬壑爭奇絕。謫仙



仙去不復還。詩竟應在江上之青山。不然游戲煙雲縹緲閒。朝登落雁巔。夕眺彭蠡水。手持玉井妙蓮花。散髮天門笑東海。或騎鯨魚跨白龍。下視巫峽娟娟十二峯。三峯相映何巖崿。太古積素無人蹤。化爲飛流百千仞。萬里來助長江雄。魂分歸來上有楓。楓林蕭蕭月欲曙。錦袍載酒知何處。壁上呼之或可聞。樓前一鶴橫江去。蕭君落筆如有神。荆關董巨誰等倫。手驅濤嶽出咫尺。令我想見一生愛入名山人。當時倘使對粉墨。臥游應老磯頭春。卽今埋骨尙傍小謝宅。無此丹崖碧嶂爭嶙峋。我嘗東登岱嶽頂。悵望人間一秋影。乘舟四度揖匡

張亨甫全集

卷十九

二十九

秦淮

金粉江山認六朝。秦淮風柳自蕭蕭。棲鴉數點斜陽裏。啼徧春愁在板橋。

游瞻園作詩

瞻園舊是中山府。我來尙識園林古。一朝劫火燼江山。百戰功名剩塵土。王昔崛起從高皇。勲伐遠過傅李湯。行軍智勇若武惠。得主終始如汾陽。此園當時出天賜。



賜坊特表大功字。草木猶承雨露恩。簷楹盡接風雲勢。  
可憐世守二百年。邵平豈信無瓜田。故家祇賣園中石。  
漁稅難徵湖上錢。祇今管領歸方伯。傳舍流觀改金碧。  
古槐疏冷令公居。大樹蕭騷馮異迹。鍾山相望鬱崔嵬。  
高皇將相皆雄才。子孫蚤有畱都變。甲第那無易主哀。  
且如一帶秦淮水。十六蕭樓燦如綺。丁字簾前夕照華。  
霜笳吹月秋風裏。陪京宮闕更何存。盡作新豐雞犬邨。  
前明舊內今爲駐防所居漫言江令青溪宅。不記王郎烏巷門。匹夫  
佐命眞殊遇。人代興亡自天數。王存威望在乾坤。王死  
神靈與呵護。君不見孝陵松柏守祠官。芝蓋今游花未

張亨甫全集

卷十九

三

殘。

高宗常游此園

千載君臣同氣象。路人莫作廢園看。

二十八日登燕子磯作

大江東出黃天蕩。曠望天長入海流。六代山川餘玉氣。  
一年歲月盡孤舟。蛟龍夜傍危亭嘯。鸛雀寒摩絕頂游。  
莫問興亡成底事。衰蘆殘柳點汀洲。

眞州除夕

時石甫刺史署鹽務司馬在此。余至而刺史往揚州故泊舟待之。

去年韶州城。今年眞州郭。萬里浮雲定笑人。何事相隨  
慣飄泊。眞州使君於我厚。出門誰與致杯酒。天晴風利  
不肯發。坐待雄談對搔首。君不見李大白。舉世無相知。  
獨有賀四明。長安買醉輕金龜。世人謂我今何爲。飄然



堯舜斯民勞夢想。我記頻棲長者廬。衰疾相看猶慨慷。  
虬鬚脩頤而廣顙。出扶短童時代杖。縱談身世一俯仰。  
有時月黑風林響。祇今梧竹餘蒼煙。登樓秋色何依然。  
夕陽烏犢嬉平田。彷彿中有靈風還。詎愆叢集當壯年。  
去矣或在山之巔。不然醉弄滄溟月。揮手人間吾亦仙。  
煥奎比部盆中白梅作一花乞詩

若有空山思。曾無索笑因。漸看羣木落。故作一花新。  
涼月靜如雪。殘枝孤抱春。非君肯相顧。容易委荒榛。  
連日宿繡草廬作寄雨農先生

秋色今如此。登樓尚未歸。暮山連落日。夕鳥各紛飛。  
昨張亨甫全集

卷十九

三

夜聞風雨。脩脩桂十圍。芳馨如可擷。欲寄寸心違。

邱家隘

萬綠蕭森暗水喧。千盤石磴狀蛇蟠。高崖閉谷中無日。  
深壑霾烟下有邨。倒看天光如釜墮。近聞人語隔雲昏。  
平生險阻真經慣。絕頂蕭然契道原。

二十四夜宿泰甯郭外次早飲吳源山家日號  
炎荒殊氣候。九月竟爲霜。一夜荒谿葉。蕭蕭併曉涼。  
露山清眾響。煙壑引孤光。幽興猶疑幻。誰貪醉夢長。



張亨甫全集卷二十七

建甯張際亮亨甫著

孔慶衢寄吾校刊

○真州別石甫刺史

海內論交十數公。寥寥天地各飛鴻。虛名當世誰劉表。  
豪氣斯人自孔融。報國心孤終結主。著書才大  
亦稱雄。江寒猶罷征帆遠。回首難忘況病中。

○登金山口占 正月二日

東南形勝雄京口。天水蒼茫積氣昏。白日一鴉橫絕海。  
青山萬馬斷中原。風檣易過游人迹。杯酒難招戰鬼魂。  
千載廢興如昨夢。故應坡老望江源。

張亨甫全集

卷二十

一

昨在蕪湖守風八日。竟不謁左田宮傅。頂過鎮江。  
亦不謁蘭卿觀察。誠以頻年困悴。無以對老成。  
知己也。然耿耿於心。未知再見何日。輒復有作。  
萬里一黃鵠。飄飄出海涯。爲慙丹穴鳳。不傍碧梧枝。  
朔雁同爲旅。西鳥對忍飢。春風到江上。矯翮入雲遲。

大尹家邨

自京日乘單輪車至金沙與人乃丹陽  
大尹家邨田家子也既出丹陽城邀余

宿其家且指口十八里外松樹下卽  
我家也悵觸於懷夜中口號二十字

遙指長松樹。前頭是我家。春燈明草屋。獨醉覺天涯。

○至金沙木民同年大令留宿署中出示近作率題

奉贈



鳳城一別楚雲長。悵望音書數雁行。旅興正如乘夜雪。時欲至揚州訪蘭卿觀察賤金焦之約聞君在此途迂道來訪而輒揚州之行仙才自合領華

陽。飛毫對客無留牘。橫槩論兵亦舉觴。枯樹可知生意

盡。庾家詞賦足蒼涼。君屢嘆余此來豪氣頓盡

慷慨悲歌更自豪。百年綺語薄詞曹。江南吟徧青山晚。

歷下才爭白雪高。君詩酷學滄溟誰識代公如寶劍。郭代公未

寶劍篇。以自況。君前年里。居賊牟將軍寶刀歌甚工。古來楚客擅離騷。相期痛飲

天門月。千里波光擁錦袍。

清笳畫角看荊州。圖爲木民乙酉秋。廉所繪其句則江陵譚曉屏先生題荊州

龍山驛詩中語也。余愛譚原詩因次其韻。

### 張亨甫全集

#### 卷二十

二

十年王粲倦登樓。寫出龍山別路愁。莫怨洞簫兼玉笛。

鄂州明月下黃州。

夔府山高落日橫。蒼然楚塞動寒旌。哀笳暮角江城上。

一夕秋風萬里情。

慣爲夢得竹枝歌。回首朝雲故郢多。却到幽州聽蘆管。

青衫餘淚付田何。

此日誰銷望遠魂。琵琶寂寞漢時邨。江南水闊銀箏語。

知是荆門是薊門。

作前詩後有餘興再題四首

迴合江山見戍樓。登高送遠楚天愁。如何夕照邊聲急。



早似燕雲十六州。

野火寒蕪燒縱橫。將軍罷獵散霓旌。併將鳴咽關山恨。催盡征人去國情。

莫憶烏孫漢主歌。荆南吹出朔風多。蕭蕭更下波間葉。匹馬江亭奈晚何。

黯澹天秋似夢魂。水邨人遠更山邨。不須更聽羌兒笛。回首嚴城卽玉門。

附錄曉埤先生原詩

龍山晴雪映城樓。驛路高低迴動愁。過客柳門都勒馬。清笳畫角看荊州。紅板山橋野店橫。蓁蓁楊柳

張亨甫全集

卷二十

三

拂行旌。世間剛有黃金縷。不繫歸情繫別情。誰唱

驪駒長短歌。江陵名士鯽魚多。楚天漠漠黃昏雨。王

粲登樓可奈何。十里長亭欲斷魂。昏鴉無數向前

邨。可憐青笠紅衫客。斜日寒天度郢門。

先生題後有雲南公

車北上過驛見此詩潸然下淚遂取去回車南旋又有某將軍來鎮荊州見此詩延先生入署贈以千金

皆木民云

游茅山

前年游朱明。今年游華陽。洞天無人瑤草綠。春風吹出雲茫茫。君不見何家九鯉湖。江郎三片石。雞犬飛升未必仙。弟兄且羨離塵跡。三峯橫秀出朱樓。下見長江入



海流扶桑東指白日暮。桂樹西笑明河秋。平生骨肉抱  
隱憾。幾日少年成白頭。君不見古來英雄不得意。乞就  
丹砂亦游戲。道逢白鵠是三神。我欲相隨朝玉真。

8 牟將軍寶刀歌和木民

將軍名大寅。利川縣人。先世屯籍。其族有文綬  
者。有功明末。累官太傅。川湖討寇。將軍封鳳衛  
侯。順治十六年。滇黔川省尙阻。聲教獻忠。

餘孽爲寇。利川將軍年十四。與同里陳公世凱。  
統衆殺賊。賊披靡。因獻策四川總督李公國英。  
從征巴巫諸賊。有功。授浙江金華協副將。康熙

張亨甫全集

卷二十

四

十七年耿逆亂閩。遣其黨僞都督包大生。哭犯  
湖界。將軍連戰獲捷。以功授定海鎮總兵官。時  
陳公亦任溫州鎮。驍勇敢戰。閩逆皆憚之。呼爲  
牟老虎。陳鐵頭。後陳擢浙江提督。將軍擢松江  
提督。加將軍銜。未幾卒。予祭葬。給世廕。道

光壬辰。予來鄂渚。遇利川明府王君汝淵。爲言  
其畧如此。明府出將軍寶刀見示。長三尺。光芒  
不可逼視。曰。此將軍所佩。以殺賊者。今解以贈

吾子。吾子其歌以紀之。且言其後裔式微甚。亦  
不知其祖尙有世廕者。將爲請之大府。先是有



客鬻寶刀。明府以百金購得之。乃舉以示其裔。  
泣曰。此真先將軍物也。失去久矣。公何由得之。  
嗚呼。以將軍之忠勳。蓋世而通志不爲立傳。名  
氏僅附見世凱傳中。其後嗣又寢以微弱不能  
保其先人手澤。國家賞延於世之典。弗克承  
受。而將軍之名漸就漸滅焉。亦可慨也。明府一  
試爲令。簿書期會。日不暇給。尙能汲汲表彰其  
地之先賢。亦庶幾異乎俗吏之所爲哉。此木  
民原序也。余至金沙。木民言。諸故人皆有作。余  
不可無詩。然刀已轉贈緞庭公子矣。卒爲和之。

張亨甫全集

卷二十

五

龔侯示我寶刀歌。刀我未見歌奈何。男兒快意封侯報  
天子。胡使死去姓字俱銷磨。嗚呼。牟將軍。爾乃磊砢英  
多人。此刀曾敵百萬眾。至今流落蒙埃塵。憶昔  
朝始受命。四海猶聞笳鼓競。巫峽高峰蔽日昏。仙霞強  
弩穿雲勁。將軍躍馬橫刀來。人馬影合刀光開。滿空血  
雨洗刀出。將軍下馬方徘徊。當時意氣猛如虎。諸將徒  
嗟邊月苦。鉄鎗獨數王彥章。雄劍真歸張壯武。後先轉  
戰成奇功。

帝命專閫長江東。大星一夕墮江水。

此刀慘澹餘悲風。何年更出鄂渚上。虎氣騰驤裂鞘鞘。  
將軍名泯刀獨存。王牟出贈語悽愴。吾聞令公第宅爲



僧居曹參子孫或乞餘。古來將相勳名且如此。將軍事  
往毋嘆吁。侯不見頻年水患東南徧。民困爲暴廢井佃。  
願侯循良繼渤海。莫羨凌煙腰羽箭。

附原詩

霜清月黑風怒號。主人宴客出寶刀。滿堂動色相傳  
看。寒芒凜凜森毫毛。刀長三尺銜星文。誰其佩者卒  
將軍。明鼎已淪。聖人出。黃巾餘黨猶紛紛。將軍  
忠勇世無匹。十四提刀。殺賊轉戰巴淪。夔萬間。揮  
刀如飛賊皆北。閩海妖星動俄頃。狼奔豕突思狂逞。  
賊氛直繞金華山。兵氣早扼仙霞嶺。將軍此時建旗

張亨甫全集

卷二十

六

鼓怒目橫刀督戰苦。十盪十決氣無前。賊胆皆寒呼  
老虎。沈沈白日生旋風。刀所過處袍爲紅。神物會須  
報知己。乃與將軍成大功。功成。天子喜非常。

斗大金印出明光。正煩秉鉞麾諸將。忽痛騎箕返帝  
間。將軍一去百年久。此刀流落亦無偶。主人百金購  
得之。拂拭光芒射牛斗。酒酣持贈意不薄。謂刀得我  
刀有託。對此意氣忽飛揚。使我封侯夢欲作。空齋一  
日三摩挲。刀今當奈將軍何。短衣匹馬男兒願。誰唱  
扶風豪士歌。

十三夜發舟次早至常州



向晚金沙岸。三茅天際晴。仙雲流片影。隨我渡江城。春  
夢梅花暗。署中綠萼梅方華余頗戀之詩懷水月明。人間思玉局。不  
見艤舟情。

無錫

澹煙濃翠映城頭。畫裏風檣水上樓。到眼依然有秋思。

惠山雲氣一江流。

癸巳八月過此值風雨望惠山雲物可愛今亦爾

。元夕泊舟閭門因憶十年以來惟丙戌癸巳此夕

在里門乙酉在邵武丁亥在京師戊子夜行常

山道中己丑在博野庚寅在福州辛卯在安慶

壬辰在京師翠微山寺甲午在萬安舟中而今

張亨甫全集

卷二十

七

在此未知明年復在何所也慨然口號

蕭蕭煙雨暗孤篷。燈火閭門特地紅。愁裏最難忘歲月。  
酒闌偏易憶英雄。死當骨化邊城草。生已魂銷夜水風。  
來日不須還悵望。九州浩蕩一飛鴻。

。吳玉松

雲

先生招同顧杏樓

元愷

吏部朱茗生

榆

工部同年小集賦呈

丈人八十九。豪氣如少年。一飲常百杯。賦詠率自然。何  
知身後名。擾擾空雲煙。晚達蚤挂冠。茲意誰能傳。平生  
數舊游。大半凋林泉。後輩多公卿。譚笑獨閉關。賤子偶  
走謁。慷慨許我賢。置酒集嘉賓。跌宕庭花前。酒酣話耆



舊大興與河間。屢嘆金叟直。此義尤纏綿。顧余獲見翁。  
毋乃有夙緣。先生于前輩極言朱文正紀文達二公之賢惜余不見又言少客寶東皋學使幕與吾邑金先生榮鎬極相得余因憶金先生嘗語人云學使幕中有蘇州吳公聰明絕世余時童稚聞人述而慕之不知卽先生也

茫茫塵海內。過客輕風船。嘆老復嗟卑。人情良可憐。翁

懷洵磊落。吾欲忘迤邐。金登之通守述先生與伊書有云僕平生以嘆老嗟卑大非俊

物之語。始信黃叔度。能使鄙吝捐。飄蕭風雨夕。俯仰

春寒天。簷鵲尙不飛。我去何翩翩。古云文潞國。亦有白香山。丈人不羈。游戲適所便。詩成等塵盞。醉語奚足刪。

張亨甫全集

卷二十

八

木瀆舟中見紅梅口占

偶挂風帆間雪胎。扁舟誰已載花回。癯仙似我清寒久。也愛紅分鶴頂來。

靈巖

江山聚朝氣。秀色成雲煙。春風忽吹動。浩白搖吳天。不見太湖波。但見湖中船。青苔落明鏡。數峯何娟娟。目想浣紗人。體態相明鮮。響屨迹已荒。石上琴臺縣。艷色傾一世。盛名流千年。夫差亦何幸。竟以西子傳。行樂解登臨。雄豪固無前。所恨用人際。興亡乃忽然。老僧慣吳語。掛客長松顛。譚笑數飛鴉。萬事風輪旋。



8 次韻奉酬芝楣方伯

余以屢索方伯書辱以詩贈別因次韻

稽康敢詔雲中鶴。朔塞低飛更河洛。一鳴空復向炎州。千仞猶思集名嶽。先生自是丹穴鳳。出儀聖世高

棲託。人間萬眾望文章。顧我離羣憐羽落。春風江上再

相見。欲別還堅後游約。媿分竹實慰飢驅。

方伯辱惠廉俸再三始得

辭謝

頗戀梅花守蕭索。

別後復往鄧慰觀梅

京華舊侶半鴛鴦。短翮

欲追且前却。養成丹頂要有時。百鷺鳥何如一鸚。

原詩

張亨甫全集

卷二十

九

松寥山人清如鶴。蚤歲才名噪京洛。天生此筆非偶然。掀翻渤海搖五嶽。萬卷撐腸目若電。吟屐所到多寄託。嶺南寄我新詩篇。瑤華入手珠錯落。竭來擬作鄧慰游。風雪恰阻梅花約。忽然思返剡溪棹。惡札轉向麤官索。勉成韻語志別意。留之不得詎難却。三山白雲蹙歸岫。爲霖看趁九秋鸞。

過吳江

士女嬉春夜趁燈。去舟潛似病餘僧。十年鬢短心長客。躍馬沙場夢可能。

舟中作寄少穆中丞



三年開府三吳地。白上髭鬚鬢有霜。豈謂敬輿工奏疏。  
直同子政告災傷。天高終鑒臣心苦。民困將蘇

國運昌。

壬癸之間江南北水潦飢饉甚劇余舟車所過心爲慘然中丞劬勞撫卹并密以狀上聞

上特爲酌減歲漕去秋竟爾有年今春余所過州郡人情稍安帖矣從古人才資世用。江  
湖回首獨茫茫。

### 泊平望聞笛

夜水兼天暗。湖風擁雨深。孤舟橫笛外。一夕警沙禽。

### 嘉興

吳越一帶水。吞併宜忽然。會稽阻江流。重山蔽其前。勾  
踐足自霸。況乃陰謀專。所恨出下策。保國因嬋娟。漢唐

### 張亨甫全集

### 卷二十

十

踵故智。和親尤可憐。秦塞控天下。河關金湯連。得人慎  
戰守。中國何患焉。窮兵燭內禍。藉彼兵甲堅。辟若引虎  
狼。擾我豚犬便。公主望磧雁。哀斷琵琶絃。草色不忍白。  
紅粉歸何年。徒輸五湖上。西子猶生全。此實不仁術。作  
俑非豪賢。信豁而黜胥。薄祚夫豈延。未必吁蘿人。能使  
宗社遷。我爲後世戒。興亡亦有天。東風鶯脰水。明花  
照煙地。應名秀州士。多如潁川。偶思長蘆翁。詩筆雄且  
妍。安能共觴詠。弔古搖春艸。

### 由石門至塘西口號

水氣上成雲。天光下垂樹。空冥合寒秀。偶然與目遇。孤



亭野店間。一鴉或飛去。蕭颯聞風聲。羣噪回墟墓。悠悠人家遠。曖曖山態素。煙雨忽蔽之。濛濛不知處。時見柔櫓行。每與吾舟語。越音與吳音。約畧辨差誤。野人久爲客。靜坐若有悟。東南暝色深。掩映乃如曙。

游雲栖作

曰余遭多難。放浪游江山。悵然千里倦。欲息無由閒。清晨發孤棹。暫泊依澄灣。緬懷蓮池師。超世離憂患。遂遵樵牧徑。遠叩煙霞關。峯迴勢窈密。谿折聲潺湲。綠雲氣蕭蕭。萬竹飛流間。空香泛齋厨。積翠羣經壇。落花媚晝雪。啼鳥生春寒。心知清淨理。迹滯塵埃艱。修篁自解脫。張亨甫全集

卷二十

十一

桐廬江行口占六絕句

江雨濛濛江霧垂。山如眉嫵睡慵時。空江兩岸人家冷。開徧梅花知未知。

千嶂空寒一去舟。酒痕詩夢話沙鷗。春風吹過都無迹。

暮雪梅花誰倚樓。

丁亥十二月壬辰十一月皆于桐廬阻風雪今來二月而四山積雪猶在

也

九里洲邊花自開。歸雲冉冉過江來。白頭刺史黔西道。



誰料如今別費才。

厖厖亭臺白粉牆。江頭小縣枕波光。風帆過處明人眼。  
一陣鴉來天勢長。

磊砢高崖蔽亂峯。半垂雲氣挂長松。飛來千尺青天瀑。  
散落雲南野寺鐘。

最無情緒是春燕。新綠芊芊何處無。七里瀧中半煙雨。  
青山上下鷓鴣呼。

桃花鰕

偶市一魚巨口細鱗色澹紅如荔子內  
衣舟人曰此桃花鰕也口號二十八字

絕好風斜雨細天。桐江魚膽在尊前。春來長徧桃花水。  
那得樵青理釣船。

張亨甫全集

卷二

十二

初五夜泊七里瀧次日過嚴州偶作三首

舟行日霽雨。旅興成蕭條。况茲千峯夕。陡擁一水漂。立  
壁上夾天。奔瀧下通潮。炊煙午已絕。瘴雲寒更驕。漠漠  
石氣青。萬籟起崔嵬。夜中孤篷閉。壑谷酣笙簫。燭昏神  
鬼出。風驟魚龍搖。夢騎巨鼇背。客星高可招。嘗聞大隱  
跡。或在市與朝。如何羊裘翁。荒江狎漁樵。

古人竟不作。今人那得知。耿耿千載心。永夕笑且悲。鳥  
啼青竹林。犬吠黃茅祠。雨歇東方曙。春山靄華滋。遠望  
見飛瀑。颯沓長風吹。倒垂灑天光。曲湧翻雲漪。十里九  
煙雪。空清屢然疑。散爲水珮聲。宛與瑤妃期。吾纓未可



濯。轉嘆投竿遲。借問道旁子。飲泉應自知。

嚴光隱姓字。今乃名此州。避之有不得。貪者安可求。營營一世士。高下自沈浮。豈如楚漁父。鼓枻滄浪謳。東風散飛雨。濕翠明汀州。傾澗注石瀨。陰靄藏山樓。野人朝食罷。松下還飯牛。牽驅出門去。下飲前溪流。牛鳴望鴉飛。父喚子回頭。荷爾鋤與耒。愧我行悠悠。

晚泊

黯黯白雲高。下迢迢。青嶂有無數。層寒氣初合。七里空光未孤。野渡人歸。雁去煙邨帆落。鴉呼濁醪且自斟酌。春望同誰嘆吁。

張亨甫全集

卷三十

十三

嚴州歌

嚴州之下千峯青。桐廬水到錢塘平。江光百里破飛鳥。落日天碧風帆明。嚴州之上沙灘曲。水清石瘦見叢竹。山遠娟娟塔映空。黃鸝喚雨邨煙綠。我行到衢州。乃爲嚴州歌。嚴州畫船無此多。紅顏如花驕綺羅。春來日夜生新水。花落隨流奈汝何。

衢州雪堂

二月春已半。百花猶未開。不知江上雪。祇訝嶺南梅。雲凍飛泉斷。山明獨鳥來。且看故園近。紅紫勸銜杯。

新柳



水邊楊柳綠新絲。恰似佳人初畫眉。深淺更無人會得。  
春風惆悵曉寒時。

十一夜舟發玉山

青天出雲月已低。水車鴉軋聲滿谿。煙篷搖蕩不成寐。  
沙石激水風籟淒。舟車九度厭來往。起舞誰與聞荒雞。  
冰山雪海萬里路。夜夜夢中迴馬蹄。

十二日至河口作

一年今日又花朝。綠徧江天舊柳條。莫向東風訴春恨。  
夕陽山外水迢迢。

叫巖寺

張亨甫全集

卷二十

十四

信州多奇山。百里石蒼赭。茲巖尤突兀。勢若勒奔馬。寺  
門擁老樹。檐際俯平野。青春氣空虛。白日靄瀟灑。方池  
自鑿鹿。重丁誰構廈。夜來風雨多。佛背飛流瀉。我來正  
曉霽。齋香鵲噪瓦。四顧來徑危。一舟絕壁下。生人僻嗜  
好。往往命堪舍。韓公發痛號。頗疑非達者。檣帆過眼外。  
慙慙若可把。坐愛上流峯。煙態浩難寫。

自貴溪至建昌漫作絕句

明月依然照碧流。故人不見獨維舟。三年離合輕彈指。

回首平生易白頭。

癸巳過此時陸祁孫大令方  
爲宰去年渠已謝病去矣

風雪連天去住難。青山夢覺曉雲寒。春來回首愁多少。



惆悵桃花隔水看

東川

絕好棲元龍虎山。千峯水石闕靈關。先生空向羅浮過。

孤負丹砂咫尺間。

上清

後港

邨名

峯連氣勢

將至後港一二里有峽曰氣勢龍

排野人都解喚朋

厓山如字勢斜難正。

崔嵬嵯峨亦復佳。

後港有山頗奇土人謂之朋崖

又日排衙山

百尺霜柯壓曲檐。樹猶如此我何堪。驕春桃李無愁思。

恰似雛姬十五慙。

湯家店

出門四度玉盤圓。兩宿金谿亦偶然。千嶂沈沈夜光夕。

小庭臥看月行天。

金谿

去年十一月望夜宿此今二月望夜復宿焉

張亨甫全集

卷二十

十五

水郭山邨帶夕曛。梨花處處皎如雲。六朝名士風流態。

最憶牟郎白練裙。

后車

燈火依然枕簟溫。可憐舊夢竟何存。君看月印前溪水。

夜夜清光未有痕。

宿梨樹橋值其舊榻

國色含愁嬌病日。才人失意困酣時。風前帶雨桃花色。

相見江天有所思。

楊柳垂垂綠作煙。桃花如綺李如綿。東門春事無人惜。

行盡斜風細雨邊。

建昌城東門外桃李作花可愛

竹藪

五月廿五日自里心過竹藪偶憩酒肆主人問知余姓乃述余名字云君家有某者此吾

邑讀書數一不數二者也今得官未余無以應也漫作一絕自嘲云爾



處處勞人話姓名。廿年猶是舊書生。歸雲一片隨風去。  
或繫人間霖雨晴。信翁疑是情字

甯化

副憲高風不可追。揚州太守剩遺詩。孟詞命薄清夫死。  
獨望蒼山夕照時。

連城

懷謝荆史嵩齡

東粵曾逢謝甫生。春風相送庾關行。梅花落盡無消息。  
冠豸山邊日暮情。

上樂地

屬連城

峽口入亂山。雲峯亘天際。千松蔽層嶺。六月墮寒翠。山

張亨甫全集

卷二十

十六

高轉平曠。煙廬夾澗次。澗中大石多。激水谷口墜。乃憶  
入邨時。絕壑響深鬱。居人善釀酒。乞飲忽已醉。落日照  
瓜棚。風涼水聲至。潺湲盪孤抱。復有滄洲思。

梅邨

屬龍巖

稍憩嶺下亭。復見亭外邨。松風夾澗水。斜照明朱門。飛  
樓燦金碧。太息如仙垣。借問此誰氏。野老難與言。吾行  
半天下。樸儉風無存。土木極雕繪。珠玉窮中原。人事自  
困敝。乃嗟天運屯。前峯見夕鳥。客子投籬籬。偃仰竹屋  
。醉歌忘渴煩。奔走豈不艱。聊復契道原。

溪口放舟至漳平

溪口屬龍巖



密竹長松夾碧溪。溪山曉靄互淒迷。扁舟似過嚴陵瀨。  
無數黃鸝喚客啼。

山氣流雲上壓天。天光照水下成煙。不知雲水吹無跡。  
夢覺涼風正滿船。

蟬噪風林意已涼。重崖絕壑每蒼蒼。石根牽纜穿山腹。  
木末亭臺盪水光。

急瀨驚湍響似雷。客行見慣亦悠哉。夕陽天遠青山暝。  
城郭沈沈夜火來。

○食荔

漳平趙客大令席上

大葉粗枝亦復佳。中通外朗似奇才。不須粵蜀繁相較。

張亨甫全集

卷二十

十七

且喜漳泉近易來。六月稻苗殷望雨。四方菜色忍銜杯。  
輕紅擘罷因惆悵。南海東坡正可哀。

茶籃湖

我舟沂甯洋。蒼莽入山腹。峯巒盡迴轉。抱水折千曲。傾  
崖對嶄絕。斷峽窺鈴束。天高浩多風。白日闕雲木。空光  
蕩蕭瑟。微茫變蒼綠。適來若在手。延伫渺離矚。脩脩無  
人跡。幽鳥去相逐。不知杳靄外。何處響樵牧。清輝厯昏  
旦。虛籟雜泉瀑。輟棹夜遂深。邨隴警林麓。

馬山嶺

昨行發甯洋。驟雨漲山谷。邨名侵晨踰峻嶺。涼意散炎燠。



岡巒互百轉。往往見茅屋。華門閉未開。雞犬自嬉逐。松杉大十圍。蒼翠合篁竹。日出瘴雲生。頃刻紛如沐。空濛萬樹暗。徑微難辨足。但聞怪鳥啼。蕭颯旬風瀑。煙中喜人語。荒店偶延矚。仰睇天何低。盎然蓋叢綠。征夫正喘息。揮汗雨相續。安知有下界。曙色滿晴旭。紆迴二十里。磴折及林麓。嵯峨疊嶂高。回望駭心目。驚定詫踵頂。飛來免顛覆。石多作餘怒。扼水吼谿曲。崩波跨危梁。震撼警游躅。因思身世變。險艱迹豈獨。但憑忠信誠。坦蕩忘榮辱。

至永安食荔次前韻

張亨甫全集

卷二十

十八

山氣初看欲夕佳。倦飛如鳥漫論才。天邊日逐孤鴉沒。雲際峯盤萬馬來。風月髯翁仍放艇。海山仙子慣當杯。直須醉過桃源洞。長劍何須斫地哀。

孩兒峽

晨棹沙縣來。夕達延津矣。豈知孩兒峽。頃刻有生死。崢嶸石對出。怒濤慘神鬼。一縱貪順流。上沂船颿駛。艖舵觸破碎。百物擲灘底。存者十一微。倉皇猶自理。庭奴却駭叫。聲竭手遙指。攫篋鄰舟喧。跣足逐沙尾。篙工互詬怨。于我頻竊視。知應畏誅詰。癡立望江水。斷檣與壞楫。寸寸浮波起。慨然得解悟。身世見成毀。夕陽噪渚禽。炊



煙動閭里招呼小艇載日暗乃可止陰雲擁雷電急雨驟飛矢奔投野店昏盜賊伺行李復乘明月去夜城榜孤艫更闌風氣涼襟袖露如洗驚定嘆喟多客久艱難屢作詩聊自慰免葬魚腹耳

水口

輿輻避灘行。三日至水口。人情閭禍患。萬事那肯苟。誰知造物意。安危不吝取。川平浪不驚。惡風乃狂吼。終朝孤篷雲。山擁杯酒。一宵可飛渡。六宿亦豈偶。艱難使歷試。怨誰吾何有。朝禽映渚花。暮蟬咽煙柳。曠然耳目清。乾坤一搔首。因憐累歲飢。苦旱望南畝。

張亨甫全集

卷二十

十九

竹崎關守風

極天風斷布帆來。日日長濤亦怪哉。廿載此江行亦老。四方何事志徒哀。猶將忠信盟魚鼈。不忘飢寒在草萊。久旱苦殷霖雨望。飄蕭莫更鼓陰雷。

鄉里親虞日踵興。一時大府各賢能。何緣却見三山日。乘霽聊扶萬歲藤。杜牧罪言狂不減。江淹殘夢筆無靈。衝飈濁浪荒碕久。悵望乾坤百感增。

夜泊洪山橋

滿天陰雨夜瀟瀟。橫笛誰家怨斷橋。忽憶年時慣爲別。喧風吹淚落江潮。



故人得失總關情。翦燭誰同話短更。江上青山相識否。  
一舟連雨滯孤征。去年九月劉西堂林价岩何杰夫葉  
滯京邸杰夫則官平利未  
應禮部試惟旬卿里居也

今春探梅鄧尉于司徒廟側金氏購得董文敏秋

江漁艇圖一又有文敏自題詩云何處青山落

照邊淺沙厯亂走寒泉正如十月江南岸閒倚

山邨泊釣船詞翰俱佳甚愛惜之茲以贈旬卿

因次原韻爲詩索旬卿和焉

意到邨溪釣渚邊分明落照動飛泉不知家住江南好

紅樹青山日對船

張亨甫全集

卷二十

二十

展向濃香雪海邊生綃三日響秋泉春來更泊湖天裏

惟有梅花送上船

家在三山翠靄邊畫中着我好林泉披圖應憶秦淮館

秋色如煙雁墮船

君時以天開圖畫園館余每言秦淮  
風土之樂蓋君嘗隨尊甫宦游於

此

○謝孝知兄弟招飲席間喜晤林大瘦雲因有此作

橫槩論兵亦壯哉海天形勝笑譚來波濤日夜雙帆掛

今古風雲一酒杯指掌分明見金厦回頭飛渡失澎臺

嗟余短劍方無用爲汝高歌斫地哀

少小曾多國士知廿年空負九原期江山夕照誰家館



聞蒼秋風此鬢絲。豈有罪言痛河北。不無望賦感天涯。  
青樽紅燭雙行淚。話到封侯轉自悲。時六亭先生女婿寅夏秋間先生無事嘗與余登鼓山望海因備言吾閩形勝

同舟圖爲葉四季韶題

君與郭解元禮園謝孝廉玉漢戊子同舉於鄉同舟

北行因  
繪此圖

誰看江天萬里流。眼中崔李卽仙舟。他年共跨金鰲背。  
指點三山海上秋。

閏六月十五夜同孝知蕙卿集飲臺江酒樓卽席

口號

雨霽碧天高。月來盪江水。萬變入蒼茫。譚笑見千里。倒

張亨甫全集

卷二十

二十一

影一高樓。蓬壺失尺咫。魚龍眩光恠。蜃氣切雲起。散爲  
長波濤。聲落橫簫裏。先生坐嘆息。身世有如此。不知太  
古來。何人茲徙倚。夜長月欲去。酒罷客所恥。一劍對江  
神。我醉神應喜。大星照歸鞭。颯然天風駛。

趙丈藤庵

建封

以松月圖筵索題走筆書之

其人謾謾如松風。手攬明月歸胸中。下視三山見滄海。  
一笑欲問扶桑東。

閏六月廿四偕梅友孝知孝至卓人炯甫瘦雲蕙

御謠集小西湖宛在堂口號絕句四首

廿載湖田屢廢興。故宮誰與問殘僧。花疎人澹閒風日。



雲白山青送酒能。

來時慣愛寺門前。嵐靄分峯水獨煙。松氣自明將夕景。  
荷花最好欲風天。

艇子沈沙對斷垣。故人雲散況招魂。水天閒話風鷗迹。  
已似揚塵却後痕。

花事如人奈老何。小堂取次得秋多。醉歸人散青天月。  
一夜紅衣冷素波。

饒禺生同年屬題來鶴亭閨重九讌集圖次元韻

卽送其之泰甯

天涯賓雁年年見。倦旅登臨那能厭。憶昨騎馬出幽州。

張亨甫全集

卷二十

三

回首柔乾秋色徧。

王辰閨九月六日  
余自京師南歸

一年兩度悵重九。

此樂輸君故園占。鶴亭何似龍山奇。七子能軍角壇址。

安知爾時落帽客。據鞍仰見飛雲倦。今來作客公亦孤。

披圖可有詩情見。三山一女盡秋聲。何處黃花對羣彥。

一身俯仰但如此。萬古飛流亦似箭。笑將尺絹苦摩挲。

夢到空亭夜蛩咽。江山佳日且陳迹。過眼聲華何足眩。

却憐短棹泝驚灘。天遣合離有餘戀。杉陽到日又西風。

新愁舊恨恐交戰。願君莫漫憶家山。猶勝黃沙塵撲面。

句卿爲敦甫扇頭作山水甚佳敦甫索題口號六

韻



碧山紅樹尋常有。那得飛來落吾手。却看瀑布奪明河。  
欲寫長江變杯酒。孤雲自飛客自憩。太古寥寥石蒼黝。  
自非吾子有仙骨。安能坐聽春雷久。朝來湖上快一醉。  
水榭敗荷擁衰柳。翻思剗却三神山。下見秋濤冠鰲首。

楊翠岩屬題燕臺鴻爪集

擊筑誰聞屠狗歌。青衫跌宕酒場多。廢臺風色寒雲滿。  
銷盡黃金奈爾何。

斜街小巷半櫻桃。燈影門前馬骨高。枵觸人間誰市駿。  
不堪聽到鬱輪袍。

一紙飛傳油壁車。少年曾與話天涯。順郎可在何戡老。

張亨甫全集

卷二十

二

閒憶東京錄夢華

澤國重逢感鬢絲。旗亭縱酒負清時。更無人問黃河曲。  
莫恨孤鴻海上遲。君此稿不以示人蓋憂讒畏譏之意也故用曲江詩語以廣其意

喜士同至與之以詩

憐汝去余側。於今已六秋。秋風兩相見。去年見于此臨行送至洪山橋

短鬢獨何求。酒客閒雲盡。鄉心好月留。惟應數來視。更

與出郊游。

士同有親未葬余擬爲于郭外擇地

七月二十七日登天開圖畫樓慨然作詩

海天風色入新秋。鬢短心長感倦游。似有涼蟬解相惜。  
數聲先傍夕陽樓。



天際微紅一角霞。碧山西更有人家。月殘風曉催秋早。  
不見湖陰白藕花。

石瘦松蒼對寸心。夜蛩何意學孤吟。蕭蕭一片風吹竹。  
始覺秋來已許深。

四海今餘幾故交。分飛夕鳥各營巢。對他獨覺無歸處。  
欲問明夷第五爻。

姚慎之託鉢圖 八月三日

南能謂石宗派自黃梅。謂惜翁嶺上誰將衣鉢回。願汝曹

溪尋勺水。江湖行脚好歸來。

林瘦雲游太姥山圖

張亨甫全集

卷二十

二五

東臥岱宗雲。南聽羅浮雨。北踏太行雪。或醉嵩洛野。平生慣浪跡。萬里若庭戶。長劍氣摩天。短衣倒跨馬。忽忽時歸來。江山在筆下。林君頗好奇。爲我述太姥。邱壑歸胸中。紙上無寸土。想見招天風。長嘯百靈舞。容成骨朽盡。方朔亦漫語。安用寫嵐翠。此意浩終古。君嘗帆滄溟。蓬聞了可覩。神魚銜赤日。夜挂珊瑚樹。中有李白魂。騎鯨去何所。吾欲一問之。乾坤謝游侶。

劉炯甫綠天譚藝圖

炯甫今年聚徒甚盛其講學處有芭蕉亦可喜故繪圖而

屬爲詩

蕭蕭綠天風。渺渺涼秋心。是如滄海上。別契成連音。我



欲竟孤調。山水高以深。願君似學士。磊石成一林。朱竹君學士最愛芭蕉其督學吾鄉於試院徧種之又任福州使院令門下以石爲贊人各一石鐫其名於石上聚爲假山今試院三百三十有三士亭是也

○八月十五夜閨中口號

冉冉秋光二十年。棘闈相見十回圓。何曾長坂思良馬。乍感涼風到病蟬。是日小病跋扈飛揚千載上淋漓跌宕一樽前卽教斫却月中桂玉斧多時恐化煙

阿婆三五少年時。西抹東塗也可嗤。長劍尙思生出塞。短衣乍可醉拳旗。文章老我知何用。風露驚秋且莫悲。昨夢廣寒親顧曲。素娥相對畫蛾眉。

張亨甫全集

卷二十

二五

乙未八月望後五日偕家心齋謝碩甫許德遠作

朋陳玉鬯用賓四君子游鼓山口號賦柬

亂山自西來。江海更東逝。奔峯聳天闕。對挾雲旗勢。青蒼亘南斗。高下浩一氣。日出散魚龍。千帆渺煙際。傾崖咽水石。老樹忘年歲。松濤喧虛空。颯爽長風至。逝日旣已多。來者知何繼。是如萬籟音。作止自相次。孤懷慨今古。卽目有仁智。大化日流行。吾猶跡象滯。冥冥谷鳥叫。窈窕綠蘿翳。墮籜掩陰蹊。誰能惜根蒂。勉爲吾友告。保此靜中意。一瞬見滄桑。何須論千世。

送德遠玉鬯歸建州



酒半燈前意可思。思量何事足吟詩。烏君山色黃花月。盡是當筵惜別時。

八月二十七日蕙卿老弟索詩因走筆作歌贈之  
君不見虬髯昔日航扶餘。樓船百道窮海趨。中原談笑棄不顧。王侯將相真區區。又不見子房報韓願已畢。欲事赤松還託疾。如何商山四老翁。無端乃爲漢家出。龍潛虎變各有時。鴻鵠一舉誰得知。青天偶然墮片月。照入懷抱長相思。思子南山南。思子北山北。山谷無人豺虎號。風雪天寒不得食。飢烏側翅嗷雁哀。山中人兮共歸來。我將與爾遠踏唐陵漢寢之荆棘。或則散髮窮海重銜杯。胡爲乎身落三山。足不萬里。甌越成敗乃豎子。笑問西湖一勺水。夜來長劍作鬼語。落葉蕭蕭亦如雨。千年恨血不能平。四聽寒蛩悲欲舞。清晨叩門發我歌。惟子知我商聲多。耿耿一寸心。中有九折之長河。又有犖确萬石不可磨。古來英雄豪傑死去將奈何。

爲葛節母鄭孺人作

忍死看兒在。艱難極畢生。可憐國士意。同此託孤情。成敗天何問。幽貞石可盟。人間聽烏鳥。誰識哺雛聲。

旬卿爲梅友扇頭作溪山新霽圖梅友索題因贈手披鼇頂雲。眼明鑑亭水。千葉妙蓮花。猶如大弟子。四



眾盡作佛。墮落吾與爾。

往歲甲申乙酉同受業陳恭甫師者多得科第去

秋風

昨夜至。滄海曠千里。登高望神山。仙人亦泥滓。舌在笑

譚雄。酒渴江山偉。百杯浩傾瀉。安知塵世士。頗憐萬口

飢。旱潦災繼起。

全閩去年大飢會城水災尤甚爲了年所僅見今夏秋之間亢旱甚劇

鬱

霖雨心。仰天問何以。故應老友筆。寫作田家喜。如聞

簷溜聲。晚稻活不死。漁樵趁日出。簪斧各料理。此境何

時無。今年盼未已。朝廷有丙魏。我輩愧崔李。且擁宮錦

袍。帆月笑相視。霸氣雲飛揚。澤國波渺瀾。醉呼龍出游。

懶不設鉤餌。

是日約同飲于釣龍臺側酒樓

八月二十八日蕙卿招同仲勤旬卿小汀集飲臺

張亨甫全集

卷

七

江酒樓卽席書仲卿扇

渺渺澄波似漢皋。涼風水閣響檀槽。誰知痛飲高樓上。

平見神山十二鰲。

虎門秋色隔江來。百道樓船傍廢臺。天地青蒼見帆影。

酒人間話霸王才。

啞啞鳬雁水爲家。看取江頭艇子斜。轉惜尊前滄海客。

不知樓外卽天涯。

時有琉球人歌呼集飲于此

潮落風來水有聲。布帆直欲渡滄瀛。羣仙抗手蓬山上。

攬得青天皓月明。

蕙卿復出扇索題再寫一首



風日高秋迴。江山倦眼明。一尊對飛鳥。昨夢踏長鯨。野  
澗海無色。潮來天有聲。青蒼虎門外。誰看宿雲晴。

○八月二十八日夜作

是夜于寓廬天開圖畫樓觀慧星長丈餘慨然賦此

旱潦頻相繼。

連歲吳楚閩粵水災甚劇今年直隸山東吳楚閩粵甚旱而粵西江復蝗

干

戈幸小休。

連歲四川夷匪滋事今年山西趙州亂民戕官謀逆方喜就平

還驚天象在。

獨悵夜山秋。

帝自求民瘼。人誰體國憂。乞

恩徧邊吏。嗟爾亦何

求。

壬辰臺灣民滋事大吏以此爲屬吏功請賜餉甚廣兩年來閩中所見官吏大都有餉者也

葉四季韶索書舊句九月三日微雨晨起偶有詩

興遂走筆奉東

張亨甫全集

卷二十

三八

宣州之紙光如玉。索書舊句空滿腹。却看煙雨動秋城。  
正有烏聲在鄰竹。娟娟芙蓉倚風笑。畫裏青山石上屋。  
詩思清於水映空。浩然遠憶瀛洲綠。仙人白石煮已爛。  
倦客黃梁炊未熟。可知同受天公戲。不如飲酒更食肉。  
君家兄弟本多才。有圖讀書卽清福。我雖足跡半九州。  
苦思高臥一龕足。行當結茅匡廬峯。或則求田陽羨曲。  
東坡太白願難償。仰視浮雲笑相逐。

○九月十夜晴溪三丈。招集水榭餞余以扇索書卽

席贈別

紀羣交誼是平生。爲我開樽待月明。秋入琵琶如解語。



燈依簾幕亦多情。英雄自昔耽歌舞。婦孺何煩話姓名。此去金臺思駿骨。舊時屠狗倘相迎。

九烈何當與染衣。玉河舊樹半成圍。卽教走馬長安疾。轉憶烹鱸此樂稀。半世豪狂如夢覺。萬山風雨送秋歸。須知痛飲傾觴地。回首閒花也自飛。

陳南香軒霞秀才以扇索書舊作因走筆贈之

而翁往日通蘭譜。尊甫與余嘗會課鼇峯書院旋舉乙酉鄉榜余以是科拔貢故事皆稱同

年有子森如出桂林。老馬生駒先識路。神蛟得水必爲霖。詩文洒落雲煙散。往余在鼇峯會課詩文皆不起草爲戲娛而已尊甫所知也故舊句

多不能自舉論姓字流傳歲月深。往歲甲申乙酉間在鼇峯書院妄竊時名故多相識者及

張亨甫全集 卷三

甲午乙未再來會城故人多得意去矣然其子弟生徒多能道余姓字兩歲入闈號舍或相遇多與爲禮余甚慙焉君亦今年期汝承明同著作因風常見此時心  
將歸矣  
在號舍相識也  
余時

何秀才薌雪兆英亦以扇索書舊句復走筆爲贈

十子騷壇少替人。風流曹謝著書湮。新詩要與追前輩。

肯向時賢逐後塵。

詩境人間何處無。空明過眼不堪摹。能知萬古成連意。山可崩摧海可枯。

十九夜同孝知翁二時疇集水榭走筆爲時疇書



英雄未遇類好色。前謝安石後信國。拔劍出門何所之。  
惟歌姬院可乞食。邇來南北旱潦徧。青衫淚涇安可得。  
仰天笑看大星飛。哀絃欲語冰輪入。

蕭蕭涼風響修竹。中有玉顏擁明燭。十千買醉亦何辭。  
百萬樗蒲猶未足。懽場過眼類掣電。人事關心且仰屋。  
青山宛轉感長眉。似惜別離今已促。

乙未秋九月將去福州友人多有以箋素索書舊

作無以應也口號成述舊絕句三十首別同志

廿載南天一客星。少年看到二毛驚。欲歸轉算重來日。

可有前驅負弩迎。余以嘉慶甲戌籍學丙子來應鄉舉及今二十年矣

張亨甫全集

卷三

三

水閣涼風六月多。千家簾捲送橫波。不堪回首思殘局。

已似樵夫久爛柯。丙子夏五月至會城居姊婿鄒太學寓地近洲邊灣裏余時多病畏熱姊

婿乃日與余過水榭諸姬家對弈余不解奔諸姬乃強

抱持之觀局常踖促不安今姊婿沒久矣而諸姬家亦

盡爲灰燼可慨也郎官巷古半鄉人。天后祠前記比鄰。往日兒童頭角異。

可知吾亦太倉陳。郎官巷余邑人多居于此天后祠邑人所建也丙子七月移入城寓于祠

前黃氏宅主人行四有二子才數歲甚慧余每日夕持

百數十錢令其背誦所讀書今其二子年皆餘二十應

試有聲矣○官如秋水淡人是太倉陳桂香巖侍郎句也足健身輕愛看山。石天中更水巖間。劇憐游興年來減。

兩歲雲峯一往還。丙子歲初來會城凡可游之山游之皆徧游鼓山詩已見前刻稿丙矣而



鳥石山石天鄰霄臺則間日必往去年再來會城欲游鼓山登鄰霄臺皆不果今年八月始一游鼓山重九一登鄰霄臺耳

七度山靈識面曾存亡聚散感枯僧心知一滴靈源水也抵滄桑萬變乘余北游鼓山舊時同游者不勝聚散存沒之感也

紅蕉白藕鑑亭前舊事閒思每惘然樸學孫盧總黃土故應跌宕是頑仙戊寅余以督學使者送歲試一等求

以撫部舉品學兼優再至書院居于假山亭子癸未教為陳恭甫師課士甚嚴而獎勵甚至以故人才輩出當時為師賞識者多得科第去矣而孫君經世學深通盧君王章詩才清絕二君皆質樸有古風獨前卒可感也

張緒風流那足思共憐憔悴異當時傷心更有歌姬院

張亨甫全集 卷三 三

乞食相逢淚對垂比年來會城人皆訝其顛顚因為述當年書院時皆以為福然神仙中人

人也去冬過蕪湖太平楊雪萊觀察沈鼎甫夫子門中亦與余僕輩言之如此秋來偶過水榭諸姬初若不識既而訝其是余乃為兒女行述余前事甚悉且云君風塵勞苦閱世艱難宜其顛顚也余為之悵惘累日

坐俯三山秋月明淨光塔上醉吟聲尋常穎士家奴語

負汝當年勸學情戊寅夏秋之間每月夜携酒登鳥石山浮圖絕頂吟嘯僕王魯嘗曰今年

鄉試人人皆作時文土人惟玩月出游賦詩飲酒何也余時甚怒其言及今乃思之而此僕沒久矣

晝辨官書夜出游十人足了復何求子京紅燭誰曾見

枉議南豐有劣優庚寅夏秋之間余在志局以幽憂憤悶無可告語故多出為臺江之游然

所纂采書錄數倍于同事諸君有僉父乃諧諸大吏余微有所聞乃辭去去後而眾人轉惜之結語用呂相對問曾子固語



生死升沈過眼空。一杯且自傲秋風。信知北客多豪氣。  
猶惜張郎是酒雄。往余在志局同事多思之及去年再來死者已矣而生者皆不通音問惟  
端連石司馬兩歲于貢院相見猶殷然致意此可感也

醉裏園林畫裏人。六年彈指亦前塵。離心最恨洪江水。  
送我西行已二巡。庚寅去福州李蘭屏比部蘭卿觀察連日招飲石畫樓且繪石畫留人圖  
贈別會城諸友亦多送至洪山橋而劉西堂明府林价嚴孝廉葉旬卿上舍亦繪洪橋送別圖爲贈去年揭曉  
後歸里三君子偕葉仲勤秀才何杰夫同年復送至洪山橋平生離別之感於斯最甚

竹林門巷記荒涼。二老臨岐看束裝。夢裏秋江片明月。  
至今流照水天長。壬午之秋余寓竹林境家繁露進士上官寅齋孝廉得舉於揭曉日同來  
爲余治裝是日黃二未涯送之出臺江同飲于某姬家次日偕上洪山橋復飲別于某姬家青衫之淚痕猶在

張亨甫全集

卷二十一

三

而二姬從  
良久矣

何曾兩廡受孤豚。漸覺中年百感存。只合落花風裏坐。  
看人兒女自銷魂。兩歲來會城遂絕水閣燕游之樂

潮落潮生舊院荒。明燈擁髻足思量。天風吹斷橫簫曲。

長板橋頭總夕陽。戊寅端午二客招游臺江時水盛漲至其姬家跌足始得入門余時不解

狎游急呼酒而已其夜二客皆有所主獨一姬爲我宛轉清歌欲言而屢止余知其意佯醉臥達曉後見二客必請余而余不再見此姬矣癸未甲申乙酉端午前一  
一二日鄉人之治鹽筴者于萬壽橋前飾龍舟挾諸姬爲水嬉皆招余預焉十年以來無復此樂矣

解將罵座笑狂奴。世上何當少灌夫。從此三山吾跡遠。  
堂堂旗鼓送青無。往歲甲申己丑間有外來幕游宦游者言閩中自恭甫師外無讀書人余



來會城偶遇之酒座皆以氣折之其人遂斂口縮頭先後去述此爲一笑

十二樓前月已昏携持酒甕過軍門何郎年並周郎少

醉倒牀頭尙一尊

甲申夏夜偕何杰夫周同序及諸友飲于十二樓酒肆夜三鼓醉矣余偕

杰夫共挈殘杯一甕行歌過撫部署前至鼇峯書院二

君醉臥余榻上已而復飲今杰夫官平和同序觀日照

思此樂測

不可得矣

輿臺婦孺半知名風雨徒傳落筆驚誤我廿年緣底事

文章興好宦情輕

余自爲諸生應學使者歲科試皆日未中卽投卷癸未甲申乙酉間在鼇峯書院及沈鼎甫學使署月課亦然至于歌樓酒肆信

手塗抹殆多能言之前揭曉及簪挂之日書院院役及學使者差役見余皆來前且語其儕輩云是困抑久矣余心傷其言故附及之

曹劉沈謝亦相忘白眼何曾是醒狂始嘆蔣曹眞絕世

張亨甫全集

卷二十一

三

負他牛馬笑陳郎

曹文正公同時天下在府道以上官皆能背誦其履歷如流水蔣礪堂相

憶獨生平見人無貴賤一面卽不忘余生往在忘之遂多得狂名因憶昔人謂強記出于精神足往在京師陳君伯游戲余云龍馬精神吾未之見若牛馬精神則君是矣言余能耐勞苦煩劇也則余精神似非不足者其獨拙于記人何耶

樊籠一出復迴翔少日身如野鶴忙十載苦飢更垂翻

脫鞵思縱暮天長

丙子至乙酉數入場屋每出貢院歸寓小飲雖遠必復至貢院前觀他人

之後出者習以爲樂自戊子以後乃厭倦不復如此矣

○籠中鳥乍放之不遽飛也必迴翔審睇其旁屢驗之

而然故戲以爲喻

新豐嘗徧酒人家朝出歸來詠日斜每嘆伯倫眞俗物

醉何必死鍾隨車

戊寅憂日在會城有同學欲試余酒量清晨要出門遇酒肆則強之飲一



八幾百數十間而余未醉也始罷歸余  
後獨酌賦詩爲樂今亦不復能如此矣

山中玉雨化爲塵紙上淋漓墨尙新傳語惠連應護惜

當時吟苦幾傷神

何乾生孝廉卒于京師其遺稿手爲封置其篋中歸其家人兩年以來問

其弟廣茂秀才欲爲刪定竟不報也玉雨山房乾

生別業昔嘗招予及友朋宴會今亦屬他人矣

李相祠堂見落成七年再過廢池平劫灰何必昆明底

殘照西湖已眼明已丑之冬林少穆中丞于西湖建李定公祠落成之日曾賦詩紀事庚寅

四月二十四日嘗招友朋燕集于此其後六月間葉明經紹書七月間何秀才廣熹先後招游甚樂今年再至

西湖則祠因被水圯矣湖上風景全非舊觀可慨也

哀師生小是驕兒又見傳經坐絳帷我似東坡到清穎

尊前賓客感當時

何玉田先生青芝文名籍甚一時戊寅來會城嘗贊時文于先生未幾先

張亨甫全集

卷二十

三

生竟卒時先生子震亨才數歲耳去年相見則已籍學文亦有聲且授生徒矣

擎到輕紅酒正酬坐看江海化煙嵐自從一醉傷存沒

苦羨殘僧有故庵

乙酉夏與阮石梅蔡薰士楊梅生陳香谷廬居蒲黃樂臺諸同年屢集飲

啖荔于烏石山積翠寺其年石梅卒又數年而薰士亦卒已丑冬與居蒲一見去年與梅生僅一再見今年與

香谷樂臺僅一見而已後此又未知相見何地也

百萬錢供一擲粗英雄意氣動呼盧不因他日桓元在

誰語劉郎擔石無

余往歲在會城頗揮霍自喜外人皆以爲家貲數十萬而不知固無負郭

也

容我豪狂惜我才師門回首有餘哀東坡死去文章盡

心蜀紛紛黨毀來



故家門巷昔森嚴。此日新看樓閣耽。富貴百年同一夢。  
不須馬策慟羊曇。

生相握手死相傾。何似儀秦習縱橫。肯向雪峯深處臥。  
千年枯木共忘情。

集號江東不諱偷。姓名猶自足千秋。平生不解斯人意。  
拚讓坡仙出一頭。

詠諧玩世趙藤庵。爲我今年惜再三。自是千秋半知己。

後時張李要深談。趙君藤庵磊落不羈人也雅善相士與余交游數年相喻在意言之表今

年揭曉後友朋皆喜君獨不樂謂所親曰亨甫不中當嘗來福州從此以後福州少亨甫蹤跡矣余心感其言

因憶往時嘗戲問君云吾何如李丈饒張江陵藤庵以杜牧之相許且述于友朋有告余者余曰此吾牛知己

張亨甫全集

卷二十

三

也故臨行復綴之于此

何小汀同年招同令弟文舫明府林紹甫孝廉謝

樵雲上舍小集

鈿哥去後玉哥行。此地無人喚小名。旅鬢亦驚霜共落。

酒懷惟愛月新生。深知萬事關風會。不覺三更響葉聲。

秋盡蕭蕭聽不得。醉歸惆悵故山情。

梁二平仲

丁辰

招同西堂旬卿梅伯集黃樓

青衫醉徧冶南秋。臨去杯觴到處留。七子風流數曹植。

一樓名跡擬徐州。閒園自愛寒花好。深巷誰知返照幽。

富貴苦遲名早誤。疎狂又結友朋游。



